



10217

白華後稿卷之十八

南滙吳省欽冲之纂

書後 跋

書徐袖東所藏琴茶寺佛經殘葉後

男 敬樞星宰 校字 敬沐起元 蕭山葉

唐時梓州有十二塔其惠義寺即今琴泉寺寺塔以乾

隆庚午六月燬三臺鄭九令得塔中妙法蓮華經第一

卷殘葉係前蜀王錯書予於癸未冬見之錢擇石前輩

所為賦一詩乙未年冬乃歲試按梓從縣隸薛琮購得

同時所出大集經四其筆法乃沈民則嫡祖梓之人

遂有寶是墨者丁酉冬復得二紙與此本筆法皆近褚

白華後稿 卷十八

盧當前蜀時扶佛目擊 伽牙錯以白籐笈子自隨寫經

梓州遊幸所及福田 益鴻寶實多是紙不署錯名亦

當屬蒲宗壽一流人 見吾門劉純齋徐條甫跋語

未盡實爰書其後而歸之

書穆堂初稿狂 問解後

簡訓甚夥曰略曰省曰要曰易曰求曰選曰闕朱子以

志大訓狂以略於事訓簡哉 川李氏謂略於世累非略

於事其說似矣至謂何氏引孔氏以簡訓大邢疏從之

而五經義無以大釋簡者是殊不然書簡而廉訓簡大

詩簡兮訓大降福簡簡 函多大奏鼓簡簡訓和大爾雅

丕不簡簡大也趙氏注孟子亦云簡大也狂者進取大道而不得其正此卽孔氏狂者進取於大道妄作穿鑿以成文章之義也惟狂故夫惟大故斐然有章行不顧言有待裁正故狂簡之簡不特非略於事并非略於世累也略於世累是子桑伯子之簡而於琴張曾皙之狂無與也簡抑有在義書曰簡在帝心爾雅存萌萌在也郭曰萌萌未見所出釋文曰萌萌武耕反施云朋反字或作藹疏曰萌萌字音作藹說文作藹方氏以智曰藹藹卽萌萌通作藹藹夢夢儻儻賢賢憶子友段氏玉裁曰藹者藹之譌藹者藹之譌竹藹草門譌明且又去

白華後稿

卷十八

十一

心作萌玉篇系藹於草部謂與藹同或作萌廣韻系藹於登音武登反與陳博士施乾音云朋反者相近今說文各本曰簡爾雅存存簡簡在也从心簡省聲讀若簡是萌萌卽簡簡簡卽簡簡也故系於丕丕簡簡之次也簡與萌展轉襲謬當晉郭氏時已如此也其言精而核附著之以質讀爾雅者

書字林攷逸後

自劉子政次史籀以下十家於六藝之末謂之小學其全書多不存後世小學家皆祖後漢許氏說文晉苴令任城呂氏忱因其五百四十部撰字林七卷凡萬二千

八百二十四字宋揚州督護吳恭爲之音義自明字之
科廢而枕書漸微今僅存者陸氏爾雅釋文所引已爾
古書傳世易訛易脫今說文無冽字而詩大東正義引
說文冽寒貌字从冰詩一之曰栗冽今文選嘯賦注引
字林冽寒貌高唐賦注引字林冽寒風也是說文字林
皆訓冽爲寒傳寫者增訛寒風而又誤从水也水經注
湔水出綿鹿縣玉壘山之呂忱云半浣水也下注江不知
湔之以水名者出玉壘山而說文一曰手浣之也言物
有微垢可以手浣特酈氏所見字林譌手浣之爲半浣
水而酈氏又誤以半浣水釋注江之湔水也洩水出蜀
汶江徼外从水我聲卽今魚通水發源章谷逕孔玉又
逕魚通合打箭鑪水至瀘定橋曰瀘河至青谿化林營
曰大渡河至洪雅縣曰銅河以其逕峩眉山西南故曰
洩水水經注引字林所引說文作洩从水我聲而漢地
里志曰洩水出蜀郡汶江縣徼外以洩譌洩宜集韻之
以洩附洩也洩水卽沫水說文洩沫竝見未爲得實幸
酈氏所見說文亦作洩不作洩洩之爲洩更爲易曉此
可以正呂氏承襲漢志譌文之謬也說文無盆字其謚
字疑後人竄入故廣韻曰謚說文作謚而五經文字曰
謚謚常利反上說文下字林字林以謚爲笑聲音呼益

反今用上字其曰常利反者明說文字林皆有謚皆訓行之迹也曰以謚爲笑聲者明字林別增謚字也曰今用上字者明唐時謚法之謚從說文不從字林作謚也玉篇謚謚謚並載以謚訓行之迹以謚訓同上又笑貌以謚訓說文謚不知說文無謚而以謚從謚實因呂氏而再誤今本說文謚謚並載謚法取增益之義當讀益聲不當從徐鉉讀兮聲是古本說文與字林之並無謚字可由玉篇五經文字而決之也他如爾雅秣稭稷似茱萸出淮南驛白馬黑髦狸伏獸似狸其子名隸元駒作駮駒駒駮北狄良馬非北方皆當据釋文補正釋

白華後稿

卷十八

四

文大例於忱曰字林於靜曰呂有一條中二家並採者如云獫字林力劍反呂力冉反良以靜爲忱弟一稱其書一稱其姓寓區別長幼之義子田於陸書呂作某音呂讀某反者概削不載區別甚精而不以自信故並論之以見其學之勤而心之下求小學於六朝以上者不特爲呂氏之功臣抑亦許氏之書之所賴以益顯也夫

書所作韋公墓表並孔舍人所書傳誌銘後

爲人誌銘表件係毛舉梨州以謂俗文望溪表其祖教諭府君以謂處境順無由爲卓絕之行而官甚微士務科舉之學教之所及亦淺故不敢漫述於法過嚴於義

尙當也約軒請余表鐵夫先生墓以傳誌銘拓本相示
再辭不獲昔劉知幾議上林兩都諸賦馬班不當入傳
洪景盧又以宋景文不載大寶箴爲非因取先生丈量
議反覆節潤登之簡內並以文體語我子弟如傳云安
徽蕪湖人蕪湖之縣與景盧所稱臨安建昌之新城處
吉之龍泉涓秀之華亭不同則安徽字可省云順治中
舉進士官江西撫州推官攝宜黃縣事屢遷吏部郎中
進士當曰成不當曰舉江西字可省撫州府之府不可
省旣歷郎中則權攝州縣亦可省云以貢生知河南新
鄭縣事宋制帶京職者曰知縣事否則曰令今制當曰
白華後稿

卷十八

五

知縣皆義法之易知者其云治春秋補博士弟子員則
誤以行狀晚年所輯啖趙諸說爲童子試習春秋事當
之其云惇士風習民隱心目瞿瞿然則誤以行狀居新
鄭喪心目瞿瞿爲教士時事當之至陳生以郟誣王生
而云介教授納贄此不可謂之贄也志係孔申翰繼涑
書丹而署衍聖公昭煥名或亦鉅公門下士代爲者耶
書所撰說壽說雍稿後

國家舉大典禮諸臣例以詩文冊進

省欽

初入翰林時

與弟

省蘭

應人之請如

四幸江浙再幸天津輒

撰二三十冊匪第賣文自給也壬辰後奉使日多才思

亦曰索惟已所誤進不敢假手于人茲遇

皇上八旬萬壽覺藻續乾坤信有如

御製重修文廟碑記所稱舉江淮河濟以贊海吾知

其不知海舉嵩岱恒華以贊地吾知其不知地舉道德
仁義以贊孔子有類于此者且不能復爲選體之文謹

作說壽一首荷 褒賞大緞二疋幸且感感且愧矣

說之體始于易傳之說卦爾雅以釋名篇其義近是往

在乙巳 辟雍成 上躬諸行禮省欽 誤進說雍仰

蒙鈐用

古稀天子之寶並載入太學志每觀對

白華後稿

卷十八

六

上猶舉其名曰自惟卑陋幸以詩賦通籍成進士後蒙

恩三試第一一試第二右二說冀以謬附說經而

筆力更苦不逮敬繕梓焉用仰誌廣勵人文之

至意云爾

徐袖東印譜跋

予於書甚拙間有應酬輒倩人代之宣城兔毫褐假者

殊勝真也袖東委曲相難必強使畫而後已頃以所刻

六石印見貽其平時爲他人作者甚夥出示榻本清嚴

古質如對吾邱子行文三橋何雪漁於數百載之上時

丁二希曾在座則曰是先子所口授指畫者希曾爲鈍

丁先生次子先生以丁刻石特偶然事世乃謂專用丁頭聞者當審諸

跋漢婁壽碑殘本

光化故漢隆鄧二縣地婁壽隆人字元考以熹平三年正月甲子卒年七十有八是碑趙氏謂是年是月立若洪氏謂立於熹平二年是生而卽立與碑文不合矣碑稱壽好學不厭優於春秋按詩三歲貫女魯詩貫作宦壽曰宦卽貫字春秋左氏僖十五年傳蛾析壽曰古蛾與蟻通漢石門頌蕙虫齋狩壽曰義作斃獸孫叔敖碑收九罕之利壽曰罕澤字華嶽碑垂耀萬軫壽曰漢碑白華後稿

卷十八

七

齡皆作軫其於形聲訓詁之學孜孜若此此元儒先生之私諡所由也明黃省曾姬水以碑有布衣菜食樞樞龔牖語入貧士傳中特不之考耳都氏所見本二百九十二字僅闕一字秀水朱氏所見齊門顧氏所藏已非足本是刻多不可辨因錄其全文屬曹大令應錡重立於縣樓下

跋椒山先生遺囑底

此先生授命前一夕手蹟也每句以朱圈作讀無一筆輕率無一言之不近於道恍慨從容信所謂無求生以害仁者矣劇場演鳴鳳記以先生受刃時所歎飯顆之

紆直散聚第生脚高下然先生歿於纒首遺集不之及
沈貞肅鍊青霞集載其孫請諡疏曰司寇坐繼盛詐傳
親王令旨擬絞辟楊順路楷竄臣祖名入白蓮教寃以
極刑正命雖同其實不可不辨竝考正之

增上海喬淦玉繩覆校

白華後稿

卷十八

八



卷五
卷六
卷七
卷八
卷九
卷十
卷十一
卷十二
卷十三
卷十四
卷十五
卷十六
卷十七
卷十八
卷十九
卷二十
卷二十一
卷二十二
卷二十三
卷二十四
卷二十五
卷二十六
卷二十七
卷二十八
卷二十九
卷三十
卷三十一
卷三十二
卷三十三
卷三十四
卷三十五
卷三十六
卷三十七
卷三十八
卷三十九
卷四十
卷四十一
卷四十二
卷四十三
卷四十四
卷四十五
卷四十六
卷四十七
卷四十八
卷四十九
卷五十
卷五十一
卷五十二
卷五十三
卷五十四
卷五十五
卷五十六
卷五十七
卷五十八
卷五十九
卷六十
卷六十一
卷六十二
卷六十三
卷六十四
卷六十五
卷六十六
卷六十七
卷六十八
卷六十九
卷七十
卷七十一
卷七十二
卷七十三
卷七十四
卷七十五
卷七十六
卷七十七
卷七十八
卷七十九
卷八十
卷八十一
卷八十二
卷八十三
卷八十四
卷八十五
卷八十六
卷八十七
卷八十八
卷八十九
卷九十
卷九十一
卷九十二
卷九十三
卷九十四
卷九十五
卷九十六
卷九十七
卷九十八
卷九十九
卷一百

白華後稿卷之十九

南滙吳省欽沖之簞

男 敬樞星宰
敬沐起元 校字

跋二

恭擬 勅封忠義神武靈佑大帝冊文跋後

記曰庸言之謹謹慎也故語曰敏於事而慎於言自下
達上之文表末稱謹拜表以聞或有所進御稱謹隨表
上進以聞或有所專遣稱謹遣某官臣某奉表以聞啓
稱謹奉啓事以聞或止稱謹啓彈事稱謹奉白簡以聞
露布稱謹遣某官奉露布以聞狀曰謹狀對策曰謹對
應試論議曰謹議謹論昌黎集學生代齋郎議文苑本
白華後稿 卷十 玖

一

有謹議字不貳過論一本有謹論字元濟南潘氏行文
凡例尙多未備也今章奏之末曰謹題謹奏屬官白事
於其長曰謹稟至平行及下行文移皆不用謹字故事
人臣撰進代言之文於所尊者曰謹上尊號曰某某謹
上尊諡曰某某餘神祇嶽瀆曰其勅封爲某號某神乾
隆戊子四月省欽撰進是文依仿舊式曰其勅封爲忠
義神武靈佑大帝比發出

上丹筆改其字爲謹

字敬神神在寸私惕然昔王仲舒廉問江西昌黎爲袁
州刺史所下牒當曰故牒仲舒以昌黎巨賢特自換曰
謹牒昌黎申狀請如舊制鄭志趙商問弓矢一條鄭云

謹荅文選魏文帝與鍾大理書云謹奉賦一篇鍾爲魏
臣趙爲鄭弟子其詞固有從謙下者省欽於擬撰之作
概不敢存存此以紀 聖學之闕與敬德之至盛云爾
爲周光鏞跋其五世祖原博茂才詩牘

明景泰十才子以長洲劉溥原博主盟後吳文定公亦
字原博與王文恪領袖朝野一時名士特盛文貞憲稍
後出及其門者王伯穀亦摠持三十餘年若周先生又
稍後焉先生諱埏其字原博殆慕劉吳之爲人有非止
名字相配已者好讀書其書秀媚有骨力見

欽定佩文齋書畫譜是卷金石盟一則載鑿藏書畫數

白華後稿

卷十叭

二

十種多係名跡可以見其得力之自其四十初度詩較
俳注云擬袁師中郎袁以萬歷二十年進士知吳縣喜
與士流談藝先生籍諸生當在弟子之列然他詩雅則
多異此荅張伯起札以張舉竹窗竹山相比謝不敢居
張好填詞梨園子弟多演之卽先生詞可知當省試病
脹長子留句容候學使錄科遣力走問因寄札至家言
二三童子飽飯取快狀較少陵久客親童僕句更悽惋
又一札叙己酉中秋橫塘泛月事虎邱詩亦署己酉是
爲萬歷三十七年越明年而錢謙益鍾惺成進士惺撰
詩歸謙益撰列朝詩選及初學集有學集逐臭如狂今

皆奉勅禁毀先生之詩若文不錄於二家與他本所選而澤流五世處晦克昌是固其後者賢抑亦鬱積之理之有以自致也夫

萬壽千字文跋

梁千字文有二其一蕭子範爲南平王製王命記室蔡邕爲之注其一武帝擇王羲之書一千字襍碎而不重者使周興嗣韻之舊唐書志列子雲所撰于興嗣之前而隋志周興嗣撰一卷蕭子雲注一卷子雲乃子範弟必不注興嗣本且子範或就興嗣本更互爲之理有然也劉後邨見祕閣帖有漢章帝書百餘字皆興嗣語遂

白華後稿

卷十跋

二二

以千字文非梁人作過矣千字者興嗣傳謂集王羲之書太平廣記謂武帝令殷鐵石擇大王書宋李至傳謂集鍾繇書陳書沈衆傳梁武製千字詩衆爲之注解其卽今千字文與否無從論證而智永歐陽詢懷素張旭諸人大書行世進士周述重加改次冠以天寶應道句將進請頒行會時相詰以枇杷二字難何翻破述逡巡不能對而止然枇與杷本義可破惟興嗣女慕貞潔統扇團絜不重字而重義固不能無議焉乾隆四十五年庚子伏遇

皇上七旬萬壽吾編修弟省蘭改次興嗣本恭進乙覽

復自爲注釋大經大法標舉燦如昔侍其瑗遊典嗣所用之字別製千言黃庭堅謂當與急就凡將並行而御製詩注文徵明每旦寫千文一通世有日寫千文者乎願以此文請

皇十一子臨絳帖跋

乾隆乙巳夏 皇十一子扈

聖於避暑山莊疎簾清晝出絳帖倉頡夏禹至柳公權薛稷木依次臨摹爲材縑素高句驪紙爲體大小篆八分真草七十有三家爲卷十二裝示省欽謹盥手系之跋曰宋淳化祕閣帖十卷其材或云棗或云石或云南

白華後稿

卷十跋

四

唐昇元帖以匱紙李廷珪墨揚者爲祖石或云閣帖卽祖石自二王府帖大觀太清樓帖紹興國子監帖淳熙脩內司帖臨江戲魚堂帖利州帖黔江帖卷數悉與閣帖同惟仁宗朝劉丞相沆長沙帖私第帖長沙碑工帖並尙書郎絳州潘師旦舜臣手刻帖皆析閣本爲二十卷以已見去取增損陳振孫所云絳民潘氏帖者也舜臣析石授二子其長子以上十卷償官錢絳守摹下十卷配之是爲東庫本其幼子亦摹上十卷配成一部是爲私本又有新絳本比本武岡舊本新本烏鎮本福清本本皆二十卷其轉輾仿刻之資州本彭州本蔡州本

止有上十卷若曹氏格古要論所載絳本十二卷以孔子倉頡秦漢魏人書爲第一宋名賢書爲第十二歲久石缺崇慶初節度使高汝礪補之又補入顏魯公諸帖與右所臨本固以不合與王弇州所見之十二卷首卷倉頡夏禹至秦漢人二卷章帝至唐高宗者亦異且弇州就逸少頭眩一帖據東觀餘論斷爲潘刻然墨池編於傳模條下列頭眩一帖是頭眩帖固不止潘刻也矣是故以絳帖爲心能轉腕手能轉筆者黃庭堅也以爲北紙北墨極有精神者王佐也以爲比今閣帖精神過之者曹士冕也以爲古法清勁足正王著肉勝之失然

自華後稿

卷十玖

五

未免羸瘦者陳繹曾也以爲未見真蹟祇從閣本摹出正如寫象者不見人而摹遺象卽使神骨果勝去真益遠者孫鑛也善乎洪景廬之言曰碑刻不必問所從來但以書之工拙爲斷如曹氏王氏論列之十二卷不云殘本卽云不知所出右本刻者無可考而臨摹並用神采蘊發如揖古人於千百載之上其中虞伯施卽時帖帖蹟嘗藏省欽所甲申秋故大學士劉文定綸購入內府發編相對宛如素識自餘可意推矣上下五百年縱衡一萬里此墨寶非墨妙也乾隆五十年十月日

教授一經成舊學起居八座荷新綸此吾郡張文敏題
錢塘梁谿父先生堂帖也先生受吾師文莊封仕不就
文莊曩侍 龍樓故帖云云戊寅春予謁師里第見之
己亥甲寅乙卯三典浙試訪山舟侍講見之如故丁巳
臘按試津門見竹香大尹所鈎勒則佚其行首之稱信
所謂下真蹟一等者文敏幼從先曾祖存初府君學設
師榻遶榻倍文若翻水小竚則口吟蓋得知者之動非
直其書絕倫卽尋常酬應語亦盛得水佳如此

跋出火大集方廣經

子有黃庭經用細筆間如髮香光定爲唐臨本使蜀時
白華後稿 卷十 六
得梓州琴泉出火大集方廣經可二千言與所見時出
火之妙法蓮華經殘葉署前蜀王鱣祥書者工拙不同
昔座師秦文恭家藏靈飛經蹟得自海寧陳氏皆屬血
裔是卷用筆略肥試按九宮法弱一絲鈎之與黃庭經
唐臨本略寬一絲上石豈非雙璧

跋祝選樓所裝予手牘并其婦翁紵亭太守簡

札

往癸未春予始識紵亭嗣紵亭與子弟稷堂同教習

咸安宮官學同試授國子監學正相得甚懽兩家眷屬
幼穉還往雖先後子姓不啻也閱數年紵亭辭內就外

令宜興又數年移銅山以書再告曰倉庫所儲素懼醜
毒銅固望縣柰積累逾十萬何行殉矣會黔西李公以
川督調兩江入覲遇諸朝語及江蘇時弊予曰銅山令
到官三月積累且十萬紓亭謁李公公曰速具各前任
侵虧若干某若干克期以報不數旬各累一清不至與
大獄在紓亭初不料發自予也玉潤遷樓年少而文子
己亥典浙闈旣薦被落而遷樓嗜予詩文不去口癸亥
春其次郎來攝婁簿手一冊示予則予致其冰玉簡牘
也予書拙豈敢望藏弃之榮乃覆審再三無一不出已
手無一悖禮善道之語此素心所差可用自慰耳抑遷
白華後稿

卷十玖

七

樓惓惓之誼與紓亭先子物化之感歲月不居重使人
感不自勝也

壻上海喬淦玉繩覆校

白華後稿卷之二十

南滙吳省欽沖之簞

男敬樞星宰
敬沐起元 校字

墓碑 墓表一

誥授通議大夫例授資政大夫兵部侍郎湖南

巡撫都察院左副都御史查公神碑

乾隆五十七年夏桂林查太守淳以卓異來 覲攜其先中丞公銅鼓書堂集四十卷使爲序而青浦王侍郎昶將以脫橐乃文其隧道之碑以矯一書兩序之非以表其志行名義之大有國史未獲詳而例得附集後見者子壻於查於公故疏屬而先後處九年中又間相見

白華後稿

卷二十

一

知我愛我雖密戚無復過者其何忍碑其何忍不碑公諱禮字恂叔一字儉堂先世自臨川遷京師占籍宛平明季甲申之變一門七婦女同時自焚樓上祖諱

父諱

俱以公貴贈通議大夫四

州布政使司布政使祖母

氏母馬氏生母王氏俱贈

夫人王夫人佐通議公筦家政家日起而所產皆自乳

有別館在天津禺築殷盛購書數萬卷公自少寢饋其

間與伯兄孝廉爲仁仲兄淮南運判爲義遞主壇坵東

南名下士翕習景附故未冠而跽跣集成一時都爲斂

服嗣後歎歷中外以風雅爲性命以友朋爲職志雖後

進中嬗固如予而不以迹合雖簿書填委戎馬匆促不以一日廢事卒不以一日廢書廢詩非所謂知之好之而樂之者耶公以戶部主事授廣西慶遠府理苗同知薦卓異擢太平府知府請終母養未抵家而宅憂痛含殮之不逮也服除二年始就部補四川寧遠府知府擢湖北道旋調松茂道遷按察使布政使皆治四川其擢湖南巡撫則乾隆四十七年九月年六十九矣臘望入覲屢被召對命以明年正月二日赴官二十

五日薄病二十八日復趨

朝奏對如平常退而與故

人飯二十九日丑鐘鳴肅衣冠戒行忽痰湧端坐而逝

白華爰稿

卷二十一

二

知與不知舉太息以謂未竟其用也公神采岸異談吐如洪鐘在部未一年雲南請簡發丞倅辦軍需冢宰陳文肅公以公應將發小金川平乃發廣西修靈渠考湘灘二水之源建黃文節祠於慶遠建書院試院於太平成都城三十餘里每夏潦水汨汨人民居行者亦病公審其高下鑿宿土自二三尺至七八尺街路寬坦水竇豁如不三月而役蕝當金川之再叛也制府阿公以公得夷情奏請調松茂旋奉旨專督西路糧運將軍溫公請以公兼運北路糧請以公釐小金川戶口地糧屯政巡撫鄂公請以公安設北路宜喜糧站木果木戒

嚴公時駐美諾急調兵往救抵喇嘛寺寺站已被途次擒二賊而餘賊攻八角碉甚危美諾不能守乃退守達圍凡二十日夜鬚髮爲白今大學士將軍阿公復進兵請以公闢楸底至薩拉餉路路成制府富公請以公駐楸底督西北二路餉金川平留辦屯務先是果羅克番民吹斯枯爾拉布坦劫青海商民騾馬制府文公請以公往按而富公請以公赴宜喜控綽斯甲三雜谷土兵乃不果行至是果羅克復有劫殺之事文公再請以公往以太守時令宜賓所以西北路軍需責其銷核先發兵五百人出紅橋關公至關而撤使歸檄三雜谷土兵

白華後稿

卷二十一

三

四千裹糧會松關下於是中果羅克土司麻克蘇爾衮布來謁諭以速跡賊當上爾功踰月不獲遂分兵四出並檄上下果羅克索之復不獲公收兵結營召麻克蘇爾衮布責曰爾藪賊當同賊罪吾若縱爾必上煩天討吾不忍爾爲兩金川之續也檻之行始吐賊所在擒之麻克蘇爾衮布至郫而斃自是三果羅克無敢劫殺者是役也閱時百餘日不勞一官兵不費一官錢予時視蜀學問公何以服諸番之心而盡其力公言番衆利我鹽茶第如額市之而弗敬以輕重應役勤者雖賤無弗賞悞者雖貴無弗懲嘗以四日成猛固橋當昏暮抵梭

本土司請止礮舍卒不許而以其知大義賚之其後擦馬所兇番劫殺裏塘沙塘寺僧公單騎往按土兵皆爲偵伺獲噶克朗忠二人置之法今廓爾喀之役其寇不無藉口雖遠隔衛藏非果羅克裏塘比然使公在而容度其間則所以播聲靈明要約而防患於未然者當必有道矣豈不惜哉公雖席富厚而不問家人產又周急若不及以故日益絀惟鼎彝書畫及古銅印千百顆常列座右訪升庵故址築室談讌拓藩署小園曰亦園暇輒集僚幕及書院諸生賦詩自遣每日與其家中築室不若署中築室旣爲公解誰其棄之若子孫不肖去之

白華後稿

卷二十一

四

直做屣耳去蜀時令家屬緩程東下俟到官而後舟泊長沙其嚴整多類此公之葬三河馬昌營也以乾隆五十年六月日元配李夫人繼李夫人皆附其次子五長卽桂林府知府淳次泳早卒次潛前廣東海豐縣縣丞次法候選刑部司獄後公卒次濤太學生次溥女三長適候選教諭楊華次適太學生次適孫五孫女六曾孫一公宣力金川史官能覈其實而果羅克之役章奏簡略無從采摭故就所見備書之爲籌邊者告

閔處士墓表

廣濟閔貞僑漢口頃自京師歸寫余真泫然曰貞十二

歲而孤追寫父母真輒失其似寫他人卽真執藝三十年一日薄暮就肆浴一浴者偃僂聲欬酷似父掩涕斜睨之未暇訊姓名忽不見時時跡浴肆焉閱年餘闖然遇諸道則襍縷一老農強與暱而飯極歡貌以示素識父者無不太息也欲貌母憶兒時搏泥被呵走反擲所搏泥泥跳塗母面貞驚跽奉母面亟拭之母面目宛然在也偶一嫗來乞漿貞詫曰是矣致之樓並糞之而置積饋食以爲常故貞又有奉饌圖士夫多以詩若文記其事其父墓之表與志作者且三人焉雖然貞有所以請公者貞父生康熙甲子距今凡百年今二月貞設象

白華後稿

卷二十一

五

張具墓所或以貞非禮然古得祭墓墓又貞父所自相也貞先世居南昌青石橋稱東閔支祖舜邦四傳至廷柏廷柏生時應時應生曾曾字雲涯以輩行名應曾後避名止曰會行賈遷武穴被戕於鄱湖之盜婦王亦隱悸卒遺孤止半歲卽貞父處士君諱德裕字瑞玉一字崑岡者也曾有友沈君意周之美程在謀互爲鞠養稍長程以謂可教妻以女裝齋千金夜績朝吟顧影閔默旣乃習龍砂八六之學一笠一杖走方千里內故家墓兆與其原野谿谷衰旺得失之故作圖以証諸古成堪輿一貫四十卷瀕卒謂貞曰汝母先我卒汝雖穉必以

今五月十日合葬于武穴東莊之西北原及期貞掘窆
泉見忽灑灑遶井出壤潤且吉人莫測其何術也貞樸
愿斷斷矩步人以是曰閔歎而貞又言我父不苟言笑
不苟取讎有甚焉者設象治墓願子孫長毋忘而已予
惟古者墓與廟並重故去國哭墓反國展墓曰不修墓
則慎諸始而勿致再修曰不易墓則長養其草木使之
望而卽辨後之儒者若可以聽其敗而不之修不之易
於義亦以疏矣至墓祭之事揭帛之舉攻之亦不遺餘
力焉則將蔑忘其親之形體而以爲忤然無所憾耶抑
所謂天子事亡如存禮有煩而不可省者在士庶人固
貞有孝稱初名貞富孫二尙忠尙志

誥授中憲大夫高公墓表

中憲大夫湖南常德府知府高公旣葬之十七年其子
葵令應城手公詩數百篇示予予武昌使署子同年姚
禮部傳序之而周編修永年程編修晉芳爲之傳三君
皆立言之士一詩不必兩序傳祇藏之于家惟司馬莊
北之瑩表石尙虛頂予還京師葵寓狀請益力爰表之
曰公諱淑曾字曾如一字椅園先世自長山遷沂水六

傳至當塗主簿大同大同生唐府審理燁燁生兵部侍郎名衡名衡撫河南悉力拒闖賊事具明史及李光鏜守汴日記是爲公高祖也曾祖鈐蔭貢生祖啓國父岸康熙間舉人兩世以公貴贈奉直大夫公舉雍正元年鄉試五年成進士九年授蒙城縣知縣十二年擢六安州知州乾隆三年擢雷州府知府會病未赴起常德府知府終于家其出處概略如此高氏自侍郎以清節聞至孝廉無百金之產嘗授徒百里外公生二歲而母劉宜人早世王母李宜人鞠之甫就熟成誦日千言少長作韻語輒驚其座茶陵彭尙書惟新視學山左慎許可

白華後稿

卷二十

七

特譽公子童試中旣舉孝廉校江南鄉試得老宿金山沈戍開爲解首士論翕然其在蒙城釐前令滯獄數十事在六安減浮稅二千餘金有挾金希舉賢良方正者斥之舉者儒楊友敬以應嘗攝潁州州有羅漢黨白晝出攫公法其魁十餘人餘悉解去霍邱豪斃其族孀婦之子以覬厚產而賄令求免公廉實按罪孀之子亦遺腹孿二男其在常德發武陵令高某貪酷狀上官以某甫列薦不得已劾某他事旋中公鞭里甲事部議解任會孝廉公訃至旋居繼母張宜人憂墓田丙舍聚書數萬卷課諸子及族子多有成就婚葬不克舉者舉之異

母弟幼病癘斥美產界之通籍十六年未四十而不復出矣當作令初程中丞元章欲以和州薦而制府尹文端公以公爲會闈所舉士引嫌不果洎雷州 命下

尹公又請公辦六安賑積至勞疾未嘗有幾微見詞色其詩冲淡樸至一如其爲人不惟得之師友切劘已也嗚呼以公進之蚤而退之如此其勇脫從容敷歷何遽不至大僚乃涉歷世情詠風終老論其詩者徒想象之華星秋月之間非有命存耶抑不欲以彼易此耶公以康熙四十二年九月十九日生乾隆二十九年正月十九日卒年六十有二配胡恭人繼劉恭人又繼劉恭人白華後稿 卷二十一 八

子葵求表者也次蔚次藻皆邑庠生女五人皆適士族
孫 鳳齡 孫女一

邱孺人李氏墓表

往子自黃州絕樊港涉西山瞰武昌縣若仰孟縣之東八里曰蓮花山縣人邱元鳳之母李孺人藏焉元鳳生三歲而孤其弟元鵬甫一歲先是元鳳高祖仲明家累萬金生具瞻具瞻惑葬師言遷竊其祖子桂花園旣竊具瞻破子建侯彰侯匡侯相繼破惟建侯遺二子有瑜既有璜有璜殤有瑜終二十五歲卽孺人所天也有瑜旣少孤爲博徒誘且病且博盡鬻所有田比卒遺租入田

五斗孺人襁二子以十指課薪水子稍長課以讀讀與
機聲夜相荅食稍給以其贏贖三四斗租洵贖至五六
石元鳳食以醫元鵬亦入太學親黨將爲請旌典孺
人曰未亡人向未殉者以孤在耳敢希名乎今夫子葬
已久吾酷于先世之禍吾死幸別葬而母發夫子墓蓋
十七而嫁二十二而寡八十一而卒卒之日乾隆四十
二年十月十日其明年十二月十日則葬日也嗟乎合
葬之禮古矣雖孔子不以爲非周家人墓大夫掌公墓
邦墓無不辨其尊卑度數而葬以其族自漢志五行家
有堪輿金匱十四卷形法家有宮室地形二十卷而葬
白華後稿

卷二十

以

書于是乎起子若孫怵於利害禍福之說有累世不獲
葬者此司馬溫公所由奏禁天下葬書張无垢律葬巫
以左道也然賢如朱子猶一再遷葬而迄於分葬以謂
計久遠安寧特不可計富貴利達耳孺人重懲前禍以
計其久遠安寧不同穴而不悔不重可悲歟元鵬子齊
益以廩生優行貢太學爲子言孺人嫠居後母家有婚
喪始往往不日輒歸旣老手未嘗不紡績鄰不能舉婚
喪者未嘗不竭以力此不足爲孺人特書書遷葬之害
與有瑜之幼而見誘敗家以亡其身以見孤子之窮而
因以見孺人之撫其孤以成爲難也有瑜葬栗嶺距孺

人墓東十里其丈夫楊瑞梅黃岡廩生孫三齊益齊震
齊望曾孫四

例贈文林郎廩膳生羅君墓表

門人上虞羅際隆貌古而學樸今齒五十餘矣落會試
亟歸侍母養且爲父謀葬焉蹙然言曰親未有善而誣
之罪也親有善而遺之亦罪也曾南豐以歐陽公誌其
祖報書以謂若輩之淺薄滯拙而先生進之先祖之屯
蹇否塞以死而先生顯之生之陋奚敢以言南豐而先
人之遇之困有甚于南豐之祖願得一言而死且不朽
也子遜避不獲按狀表之曰君諱羽豐字習齋先世自

白華後稿

卷二十

十

慈谿徒虞之永豐鄉曾祖某祖某父枚先以諸生爲邑
都講從遊者百數十人年五十餘而舉君君五歲誦小
經輒曉其大義六歲能賦詩時試士未用詩君浸淫於
漢魏六朝三唐之製學使金壇于文襄公雷公鉉竇公
光鼐皆遇以國上闈試輒失意願無怨尤意方辛未丁
丑春

慈慶單治

天子省方吳會東南金箭之彥懷握鉛槧希慕 恩寵
者不可以數計君荒江授館力不能以名上而發抒忠
孝雍容掄揚其迎 鑾頌賦播在人口方七歲上家經

破岡畷風雨驟至舟將覆諸子姓爭跳岸冀免且挈君上君以父年老且久痺號泣持父踵願偕溺水水灌舫濺冠纓終不動須臾風止十七歲而孤事母袁生母朱負米輒十數里自館穀外一介不苟取主福山書院十餘年礪礪文行嘗誡諸子曰利達有命惟讀書當爲好秀才力田當爲上農夫而已其讀書多有特見論小大雅皆以其辭爲區別小雅不可爲大雅大雅不可爲小雅猶之風不可爲雅雅不可爲頌論孔子誅少正卯事雖不見經傳爲後儒附會而有口誅筆伐之義論呂后殺韓彭以其名歸之帝而異日可恣吾所爲論崔實政

白華後稿

卷二十

十一

論爲管商之流此論出而鉤黨禍烈漢隨以亡論蔡邕墓不當在虞邑論邑志梁處仁軼事爲不經予間從際隆所見君鷹峯集論錄若此君以康熙辛卯十月二十日生乾隆壬午八月二十五日卒配陳子三人長際會塲季際時際隆其仲也乾隆己亥舉人揀選知縣雖葬君未有期而君之志與學足使善者勸也於其行書以爲表

壻上海喬淦玉繩覆校

白華後稿卷之二十一

南滙吳省欽冲之篲

男 敬樞星宰
敬沐起元 校字

墓表二

勅授修職郎溧陽縣學教諭贈中憲大夫日講
起居注官翰林院侍讀學士韋公墓表

乾隆四十七年十月二日蕪湖韋祭酒謙恒葬其先公
於邑之楊家場嫡妣甘夫人妣周夫人祔焉越五年祭
酒告省欽曰甘夫人歿於我生以前周夫人歿五十年
先公歿三十九年而始葬非敢緩也先公治命於楊家
場距軒盤山祖墓近必贖而壙之顧熒然數十年無與

白華後稿

卷二十一

一

謀迨謙恒節祿入求贖於某而某固距前年春某轉鬻
於沈沈與謙恒有連始斥宅畀弟震蒙舉事竈以館師
劉文定預爲之文而請省欽表諸道按公氏韋諱前謨
字儀哲宋深道先生諱許者自江西隱蕪湖搆寄傲軒
見蘇子瞻李端叔周少隱陳了翁集其遷祖也贈吏部
考功司郎中鄉飲賓一教其曾祖也吏部考功司郎中
嗣賢其祖也新鄭縣知縣贈 日講起居注官翰林院
侍讀學士聖功其考也贈恭人古氏其妣也贈翰林院
編修天棟乾隆丁卯舉人天棟癸未賜進士及第今國
子監祭酒前貴州布政使護巡撫印務謙恒縣學生震

蒙履泰鼎復其子也縣學生成龍其後第五弟者也太學生胡光緒巴州知州沈德馨縣學生江朝品其女子夫也孫十人其聞者甲午舉人今河間縣知縣協夢今保定府通判協中也公承世詩禮自少督其弟八人於學鄉試五薦不遇雍正元年序資授泗州訓導七年外憂去十年起金壇訓導又九年遷溧陽教諭又二年歸卒以祭酒官內閣中書翰林院侍讀學士時累贈如其官與偕學者稱鐵夫先生其在泗州督學孫文定公按部廉楊生內行劣將斃之公以楊三世無支子告杖釋而楊不知公去泗楊走送百餘里泣曰父母今愛我微

白華後稿

卷二十一

二

夫子皆不知死所矣金壇丁生與馬生讐馬夜袖金曰丁武學生得以他故褫更相報公拒而導之讐亦解王生弟卒於武城令孤殤痘丹徒陳生誣王殺姪覬產賂教授轉賂公牒諸縣公力拒而教諭獨上其事事白武城家已破後教授客死教諭暴病死瀕死輒呼王武城于某等童試赴鎮江旗校陷以犯夜禁幾致衅公以利害陳主帥得解公嘗言讀書務達於用泗州蝗募民數獲而計其直不日蝗盡遇賑微服濶民間察之民以爲神此已足以著公矣其大者則泗州減賦裁衛利濟逮今實自公發其端焉初泗有淤地涸地賦胥吏因緣爲

好何副使宗韓檄公履其事公奏記曰泗編戶五十三

里今淤地十三里實丈一畝曰小畝千七百餘頃涸地五十一

里實丈五畝為一畝曰大畝千四百餘頃淤則升科涸則復額其條

銀歸潼安衛徵收此重糧賠糧所自也重糧者一地兩

糧既報淤復報涸也黃水由睢寧桃源宿遷來決州境

朱家海順流而下十三里停泥深者數尺淺亦尺餘其

接睢桃宿境者地勢高沃宜麥宜豆秫是為上等其次

地稍窪麥收後雖播晚禾潦汎易沒難必有秋是為中

等又次者黃水下注力弱不能挾沙而行蘆葦叢生不

可耕墾漲則巨浸漲過猶復沮洳是為下等三者皆係

淤地於康熙四十一年報過水沈酌減條糧者也論現

在情形應入新淤不應仍復舊額論水沈舊地應歸涸

出不應另報升科且涸且淤豈堪並賦惟一丈明其

浮出者以新淤升科其餘仍作涸出歸淤十三里十三

里中有向係高岡捏報水沈亦有舊報拋荒今經墾熟

者亦宜另行履丈歸入涸案分上中下三則任土作貢

則田賦適均無一地兩糧之患矣賠糧者有糧無地報

涸而實未涸者也州境報涸二十一里自十三里淤地

外餘三十八里城垣尚在水中場市亦歸河伯所報涸

出特前張牧空談紙上耳然謂無所涸出則又不然蓋

前報水沈有虛有實報沈之始河督有朝廷不與小民
爭尺土一語於是奸胥猾佃冒沈邀豁及涸出例起遂
報涸以杜許控如青四青九諸里本在腹地原未水沈
如淮安諸鄉果沈水底難令包賠應歸涸冊又仁一仁
二諸里附近湖河爾宅爾田人爲蛟窟里民或思占籍
因報留條糧少許此輩捕魚刈葦已同泛宅現在或在
輸將日後難免逋匿故必通行履勘分別水沈之虛實
實者悉予豁除則無無地有糧之患矣夫淤涸兩案夢
如亂絲今之冊籍不清由向之經界不正康熙十八年
大水灌城三十五年四十四年疊罹水患冊籍漂失所

白華後稿

卷二十一

四

報水沈曾未履驗不過冊造某里免一二分某里免六
七分業戶條糧卽以所免分數爲準是故民間買賣不
著頃畝但曰田一分半分糧若干受業者苟不知地畝
之縱衡弓數之多寡而欲造冊之官吏瞭如指掌能乎
且雍正五年淤地新冊牽篋筐丈爲數略有可憑至涸
地一冊則張牧憑空結撰是以五十三里中涸者五十
一里而其間或半涸或全涸涸與不涸憑之蠹胥之手
爲今日計先分里次分戶責保甲督同業戶各將弓口
丈明然後官爲掣丈孰淤孰涸一見了然人耕有賦之
田不輸無田之賦此永世計也抑潼安衛駐白洋河適

桃睢宿泗虹之中編氓輸賦朝而衛夕而州縣計其資費以之輸條銀而有餘况呼應不靈考成交累誠裁衛而以所徵責諸州縣不特泗虹受福卽睢桃宿胥受其福省欽之碑何副使也知其丈量淤濶之事而不知發之於公乃副使封土河岸記里記戶以杜詭弊時公已去泗不及覩故公自跋丈量議謂雍正十年十月見邸報始知未議宋行減州府糧七千餘潼安衛亦裁併入州縣大府爲民請命與

聖天子勤恤民隱之至意如此嗚呼序貢之齒暮矣又久之而始授官祿少位卑其談藝者已渺何況經義何

白華後稿

卷二十一

五

况治事以公之學行閎實於物利濟非所云天之報施不於身必於子孫者哉故述其大者著之石

淤地十二里濶地五十一里共六十三里而先生言泗編戶五十三里當由州編原戶五十三里先沈後濶者五十一里其淤地十三里殆卽由朱家海順流而下之十三里分上中下三等者也濶而復額僅欠二里淤而升科頓增十一里所以有重糧賠糧之累也

文林郎寧波府儒學教授存齋周君墓表

海寧由縣升州州洛塘周氏出宋營道元公公八世孫

太常卿嗣原扈高宗南渡七傳至職方郎宣殉德祐之
難孤肇允家焉十餘傳至學舒郡庠生奕康熙辛卯舉
人鴻魁邑庠生贈文林郎是爲君之曾祖祖父也曾祖
母祖母母皆朱氏君諱大業字致堂號存齋其生也不
逮見祖考而曾祖母旌表節孝朱孀人猶在堂撫之曰
爾祖讀書累行未獲報後當有興者其在是乎故小名
興祖甫就傅所業倍他兒贈君痰且喘每作叱君退使
毋輟業君起居惟謹卽怒撻不敢離未冠師卹塾以資
養甲戌冬贈君孳君試郡城小極忽喘劇痰上湧而歿
是日君扃試不及屬纊隱痛終其身自是君大小試贈
君輒入夢夢怒必失夢喜必得嘉興李太守星曜爲其
子若婿擇師衆曰無如君者君已壯未籍諸生且居贈
君喪葺素入見李未之奇也居數日忽嘆曰此經師抑
人師矣閱五年李起守同州建書院亟聘君主院十邑
之士來學者百數十人同之文爲之一振李遷川東道
去促君至徐州課其子若孫李故宮保敏達公子所至
皆曰能然負氣惟於君久而加敬嘗謂曰吾服官以來
治行粗可紀君知之也稔而又工於文吾死必爲之狀
故李終於湖北鹽道而君狀之李築堂曰課耕思以志
不在溫飽榜其楹而對若不屬一日以屬君君曰盍增

二字爲平生志不在溫飽而以方寸地留與子孫對之
蓋不特屬對工切而其與人交不外乎直諒多聞者類
如此已亥秋予於鎮海令今陝西按察司使周君房中
獲君卷決其爲宿學明年春君來謁言其同祖弟廣業
卷亦且雋以三場卷不到落是夏君成進士予語君就
教職便養母毋耽耽簿領舍所長而用所短然君之泣
寧波也學舍久廢據尊經閣以居乃申請所司借月奉
以治堂寢士有負累不得白者輒直之枉者彙括之脫
一旦縮符百里歲計非不足者其教諸生與爲山長無
異其爲山長與爲塾師無異屬纊之日僚長至諸生會
者數百人而廣業子勳懋勳常皆師君君同懷弟建業
亦在署侍養其母孺人廣業懼今後之無以爲養無以
爲葬君而詣予告歸且預請所以表君墓者嗚呼是俱
足以風矣君以雍正五年十一月十四日生乾隆五十
二年二月二十七日卒年六十有一配陸孺人子勳元
邑庠生女二一字邑庠生唐叔封一未字孫桂芳增壽
封登仕郎四川蒼溪縣典史附監生俞君墓表
同邑俞君西源以乾隆五十一年十一月終距生康熙
四十七年七月日年七十九矣君之先故蜀人明龍游
縣知縣國憲罷官家焉曾祖有亮國學生遷上海之周

浦今爲南滙縣境祖克昌邑庠生父誠母陸孺人孺人
彊記誦君襁褓時卽耳古人言行塾師授舉子業意不
屑也其籍博士弟子在我生之初而嘗與子同館江寧
應鄉試予以戊寅六月至都入中書直君遂主子家明
年夏子扶先夫人櫬歸君以撲衍咀咬之術名動公卿
者二十年有所得隨手輒盡故人邑子落拓不得食者
輒就君君故貧舌耕爲業當乙亥吾郡大饑請賑

命未下君倡輸二十緡請邑令勸富人調其里里尠捐
瘠君坐是益困不得已而與其子廷選人都廷選尉蒼
溪時予視學在蜀君先以馮廉使廷丞之聘在臺灣至

白華後稿

卷二十一

八

是就廷選養居五年與子一相聞嗣子視楚學試宜昌
君歸舟泊峽口不得見見君手致書言將依福中丞杭
州幕府覽西湖之勝歸老浦上聞飲啖如少年藁草久
宿而其孤再三乞表予其能已於言耶君父老疾每五
鼓籲以身代居陸孺人憂幾毀兄蒼文病瘳爲養兄及
嫂無力而竭其力故人以爲難嘗語人曰吾子人非好
爲施也不啻其不得已耳君諱達字日孜一字西源
葬邑之十九保十九圖子一卽廷選女一適庠生徐廷
和孫二孫女四

誥封朝議大夫工部營繕清吏司郎中候選州

同邱君墓表

吾門邱侍御文塏奉其府君與母單恭人之喪返錢塘
度地卜葬而預乞表隧之文按狀君諱倫字明五一字
樸菴系出南齊祭酒靈鞠其後人遷河南之祥符宋建
炎初左正言乾扈行臨安因家焉十八傳至茂學是爲
君曾祖祖諱維鏐父諱渭馳贈朝議大夫母鄔氏贈恭
人君上有兩兄年十六隨伯兄之京師大族祖通州藥
肆居四年外內艱相繼訃君哀痛不欲生又無以謀葬
日夜壁畫淚痕漬枕席殆遍又五年單恭人來歸日益
刻苦刀圭咬咀之學亦日精遂居京師又六年傾貲而

白華後稿

卷二十一

玖

南塏二親于法華山之半里亭族人淺厝者十三棺同
日下窆而伯兄歲附糧艘一至京師聚首爲樂又七年
伯兄訃至卽日買舟下以仲兄子爲之後買宅議婚旣
天而恤其孀倍至族黨中甚匱乏者雖未嘗相識必歲
致問遺嘗與族弟國子助教永輯邱宗信譜詳贍有法
文塏雖獨子而督教之甚嚴當單恭人棄世時文愷婚
僅逾月故嚴父而有慈母之愛文塏通籍後每啓事
西苑必先夕戒徒御具芻糗或僚友公讌歸雖丙夜猶
執卷以待乙巳春

上紹述千叟宴文塏掖君至 乾清宮 賜尙方珍幣

甚夥君成六言律以進蒙 選入千叟宴詩頒示中外

文塏官工部郎山西道御史時京察列一等等者再例山
外以親老請留君輒爲語曰幸得躋八袞汝侍養歸舊
里焚黃葺墓以紓畢生之隱蓋君居京師六十三年十
八年而生文塏又十九年而文塏引例籍大興縣爲博
士弟子比得第君趣令投牒歸原籍衆以北籍大小試
較利便疑君不復計其後而文塏之謀歸葬也或以錢
塘無產業不如擇近地安魂魄爲便乃準太公自周反
葬于齊之義毅然而行之夫豈不復計其後乃所以一
日不忍忘邱墓者其心不已諒哉君以康熙 十年
白華後稿 卷二十一

十

七月生乾隆五十四年五月卒候選州同 誥封奉政
大夫晉朝議大夫例贈中憲大夫掌河南道監察御史
配單恭人先二十八年卒累贈恭人子一卽文塏乾隆
辛卯進士掌河南道監察御史女一適候選縣丞沈灝
孫四嘉徵嘉祉嘉贊嘉玉女孫二曾孫二

誥贈朝議大夫例晉中憲大夫前進士孫公墓

表

公諱昇龍字漢章一字飛淵姓孫氏直隸懷來人雍正
元年癸卯舉於鄉乾隆二年丁巳成進士年三十六矣
旣需次會咸安宮需教習 命廷臣舉可爲學生師者

公與荐晨入暮出出舍馬生所是年九月遭痢卒渴葬於城北老君莊之祖塋孤思庭僅四歲越歲乙巳思庭守昭通贈公朝議大夫丁未冬思庭以薦來京泫然曰思庭從先恭人長外家舅氏故江西按察司副使源爲言丁巳會闈中與先大夫同號舍薄暮示所作四書義意甚得已而歎曰吾文雖必售無祿子福澤方盛脫交易其文而繕之吾其免乎榜發舅氏廁明通榜猶鄉試副榜也而先大夫果以不祿馬生者殯禮甚備先恭人每以爲難先恭人竭手口以爲養且教先王父王母之喪實負土爲他言行無可徵惟子之文冀以不朽嗚呼

白華後稿

卷二十一

十一

親有善而遺之悖也未有善而諛之誣也雖有善不知而臆之亦誣也觀公之膺教習之薦與馬生之致禮于其師而行可知已觀公之自知與知人而學可知已觀思庭之不忍遺其親而又不敢誣其親卽母教與母德可知已思庭今遷福建鹽法道其子縉執業于子以子諾之久敦迫焉而表諸石公會祖繼志明天啓丁卯舉人陝西寧夏道副使祖一桂順治辛卯舉人山西陵川縣知縣父諱榮宗邑庠生貤贈朝議大夫妣蔣氏贈恭人配李氏四川重慶府知府厚望女及思庭之鄉舉而卒贈恭人女一適國學生閻樸孫二縉乾隆己酉拔貢

生舉人韓國學生曾孫三

增上海喬淦玉繩覆校

白華後稿

卷二十一

十一



白華後稿卷之二十二

南滙吳省欽冲之簃

男敬樞星宰
敬沐起元 校字

墓表三

誥封中憲大夫山西道監察御史例貢生吳公
墓表

常熟北門外五里盛家山有邱巋然爲封山西道監察
御史吳公之墓其葬以乾隆五十五年二月日其卒先
一年九月十四日距生年康熙丙申六月初五日春秋
七十有四而先卒三十年之金恭人合葬者也公諱
敬字文止一字種石系出唐左臺御史少微後祖國啓

白華後稿

卷二十二

一

太學生贈文林郎父諱宏祖廬貢生累贈中憲大夫祖
妣金孺人查孺人妣查恭人中憲公自休寧世居之大
斐遷縣城再遷昭文最後遷婁縣故諸孫皆占籍昭文
而中憲公與公皆以錢唐之隴籍應闈試中憲公十薦
不售與一時名下丙辰鴻博中徵士講德考藝公資稟
旣異孺染益深試薦顧亦不遇乃退督家事有弟十二
人妹八人分置兩地間教養之以至昏嫁歲已亥江浙
饑明年公仲弟慎旃歿中憲公怙直下急多不諧於世
而親族新舊貧交務愜其所欲讎計又日誦公一手支
拄者廿餘年中憲公始以爲竭其力蓋不敢以勞悴不

忍以支絀之狀告之親。蓼蟲甘苦庶幾養志而非直口體者。嗚呼難矣。公產雖日落而遇事億中以故家復起。乙巳旱公請於有司以三連票法絕囤販輸米百石倡常昭紳士飯餓者又請籍餓者大小若干口自需錢若干又請釐虞山書院沙田官田請以捐賑餘錢千緡孳息以廩院舍諸生却掃之餘一編不去手手錄墜簡祕文累千紙無一字譌脫者其嗜學也勤其練事也敏仲子蔚光白諸生時已負東南盛名叔子熊光直軍機十餘年早見信用胚胎之而陶冶之公于是無遺憾焉公貌甚癯而氣體精悍目炯然射人先是甲辰春患急下

白華後稿

卷二十二

二

夢中憲公呼而告曰吾痢死于補汝慎之累百人方待汝養寤而劑以清利遂瘳至是病肺稍進參朮食日減預決死期以處分後事人咸以爲異子四道光例貢生蔚光庚子恩科進士禮部候補主事熊光戊子舉人壬辰內閣中書歷工科給事中藹光太學生女三長次適附監生郭銍三適山西布政司照磨姚鍾英孫十孫女六曾孫五曾孫女四以子之族疏戚密而誼尤密也旣哭之京邸之位又以公之行義人知之乃其隱微有他人不能述者舉而筆之潸然不知涕之何從耳

誥封太宜人張母陳太宜人墓表

乾隆壬子冬石阡張仕廷需令江西將行請表其母陳
宜人之墓泣而言曰仕廷十五歲而喪我府君是爲乾
隆壬申之十二月初四日越七日我母爲葬之城南之
屏山我母長府君二歲時年三十五以庚戌二月八日
棄養於玉山辛亥五月十二日窆於府君墓後五十步
府君少攻苦以王父母先後棄世廢書食力彌留之頃
謂我母當何如曰義不獨生曰是挈諸子女殉我矣汝
固能守志然產薄累重仕廷當教之成我志在腹者男
也名之曰仕芳我母含荼茹藥既貴如始養願賜之一
言而府君藉不朽焉按狀宜人父震母王命之習詩禮

白華後稿

卷二十一

三

歸贈奉直大夫張君之璧事舅姑能致其孝有市屋月
僦一金租入穀二十石旣歿而用不給乃治屋後圃率
諸女夜績命仕廷兄弟以菜茹易雜糧或就塾易紙筆
以爲常郡守羅某嘗以夜三更過其門機杼聲與佔畢
相荅遣人勞以粟帛表其門曰黃鵠貞操仕廷丞宛平
以 覃恩封母太宜人仕瑞亦舉孝廉時宜人所出徐
氏女從孫聖祥婦徐懋修婦陳皆蚤寡受宜人教曰婦
而節婦之不幸也然女子難得者名名節成天必有以
昌其後故易之象曰苦節曰甘節仕廷令德安宜人始
就養未至題一甌酒以寄曰酒清若水汝不善飲與父

老共飲之邑之人皆爲詩以美仕廷獻新衣一襲則歎曰今之粟帛何如嚮之敗絮雜糧民有父母衣食粟帛者有幾以己之溫飽憇人之凍餒其如牧養何病革呼湯拭衾夜半忽語曰汝父奉汝王母至汝等當拜見侍女且揚旗勿鼓吹我筭而行矣詰旦顧諸孫扶起坐治命井井遂瞑子四長卽仕廷乙酉拔貢今江西候補知縣次仕馨太學生次殤次仕瑞己亥舉人候選知縣次仕芳先卒楊芳宗徐丹山其壻也孫十四人長聖祐己酉拔貢陝西候補直隸州判聖修郡庠生餘尙幼孫女六曾孫一曾孫女四夫以婦道之難也年三十以下守志者功令子旌而過此則格焉宜人之卒七十有五矣拜封五品子孫洵貴孰與夫建坊之賜凡合葬止書夫爵而不及婦人猶婦諡從夫之義古婦人有表志殆皆異葬者今阡隴相望而表之以舉其夫之槩亦例之變而起以義也況其實之無媿乎古賢母也若是歟

誥封奉政大夫例晉朝議大夫京畿道監察御

史歲貢生 內廷供奉雅堂沈公墓表

楓涇一大鄉鎮涇西治嘉善涇東治婁漁商市隱弦誦相峇冠蓋亦相望方予入翰林光祿卿陳公孝泳時以助教直 內廷祕文寶策多其甥沈君步垣爲勸正而

君尊甫雅堂亦以歲貢生獻詩畫

上親擢第一給事禁林每有所作輒稱

旨賜御衣錦緞荷囊筆墨果餌之品不勝紀歲庚寅圖

九峯三泖祝

萬壽第入上等藏石渠寶笈又嘗

御題繪林蒼美字以旌之會步垣舉京兆試

諭曰爾子雋與爾獲雋無異

命以所落卷呈顧蒙

溫獎並

訓以百川灌河詩題大旨士林榮之竊以謂公苟雋遇

白華後稿

卷二十二

五

合視光祿必更優侍直八年顧目疾乞歸歸後十餘年
光祿歸道山步垣以翰林改比部郎迎養公與陳恭人
至京嚙首相莊膝下遠孫曾數輩鄉之人官於京者舉
以謂家之肥而人之瑞矣大命不延老成徂謝要于公
復何憾哉公諱映輝字朗乾雅堂其別字也系出吳興
六世祖海自長興始遷楓涇爲今婁縣地父諱源德國
子生贈奉直大夫刑部浙江司主事妣陸繼妣江俱贈
宜人奉直公以俗學浮夸命公十一歲而從平湖陸氏
增光遊九年學大進連遭大故二十五始籍學官弟子
其試郡縣皆第一後歲科試累高等爲桐城張少宗伯

博野尹少宰所器而省試輒落以資貢成均初學畫覃思未竟一夕夢老人授五色石啖之甚甘美握筆遂若神助富陽董文恪見公作謂曰君清曠無俗習畫法尙渾淪不尙破碎第腕運而弗令停卽得矣公深歎以謂卽活字訣又嘗論董文敏沈獅峯其畫秀在骨著虛白齋畫略二卷靜閒樓書畫記六卷自畫山水跋二卷賞心樂事一卷靜閒樓隨見錄二卷庚齋詩文存六卷子惟雲間派別素重藝林士大夫身際盛時必弮中而後有以裸乎外公鄉曲韋素受寵不可謂不榮而後祿之緩親見其子之上玉堂歷柏臺抑伊唔矮屋時所始願

白華後稿

卷二十二

六

不及者矣乃其撫伯兄之孤而竭誠于生事死葬之大者其內行尤不多見焉公以康熙五十六年十二月十四日生乾隆五十八年六月十七日卒年七十有七配陳恭人卽光祿妹也子二步垣乾隆辛丑進士今京畿道監察御史次厚墉早卒孫五人曾孫六人靈輻就絕將度地于其鄉之某原而表其墓以垂信

湯進士墓表

常熟爲吳望縣入我朝百餘年鉅公接武而陳先生祖范舉雍正癸卯會試未廷對而歸以經術薦受

知籍國子監司業門弟子著錄甚夥子同年湯君從其

遊最久其出處學行多相似於五岳謂華嵩迭爲中岳則以國都於九河謂簡絜非必兩支聊以配數於職方九服謂特以分域而職貢仍以虞五服準之於肆師三夏謂詩九夏俱亡不得以時邁執競思文實之從而勝者疑以庶出非泛以姪娣燕於寢者爲路寢非廟後之寢闔人掌中門之禁當指宮中之門不指雉門澄酒在下當指棗醜之下不指堂下君卿大夫服麻冕士庶人服緇布冠異名而異制軾前橫木曰軾轂末曰軾曰軾亦曰軌異物而同名釜庾之庾爲量名鬲庾之庾爲器名今之遂爲古之簠今之簠爲古之遂甒如爵頭色在

白華後稿

卷二十二

七

赤與黑之間不得訓絳埴乃蟻封冢亦陰與雨之兆不可牽鶴鳴亶父非太王名衛文非宣姜子菁莪箋五貝爲朋漢志二貝爲朋則二貝猶兩尊之訓破斧傳木屬曰錄說文笨兩刃垂則木屬乃笨屬之訛西王母係國名卽女直八百媳婦可証大宰讀如字與大司徒大司馬相同司尊彝朝踐一節饋獻一節朝獻再獻一節文倒而誤玉人先記圭次記璧次記穀圭簡錯而誤輪人五分其轂之長長當作圍去三以爲軾軾當作軾其論夏小正謂文雖古雅然雕琢過甚不類三代以上之書且孟子夏后氏五十而貢無公田而經曰正月初服於

公田其疑一月令孟春昏參中而經亦曰昏參中時隔
千年以歲差法推之中星安得相同其疑二月令二月
桃始華五月木堇榮而經正月桃華二月堇榮時物違
異其疑三虞書仲夏火中則六月而流七月而伏矣經
五月大火中與虞書合而又曰九月內火大戴禮以火
爲大火則火豈至是始伏其疑四疑月令而信小正吾
未見彼失而此得也蓋君生具慧相舌端有川字文甫
就塾終日據案無旁晚年十一作九日登聚奎塔賦旣
從陳先生遊諸尊宿如方閣學苞蔣教授汾功顧祭酒
棟高皆折行輩上下其論議而又好學深思於經傳箋
疏必推勘其異同失得之故方會試入都時 詔舉經
明行修之士同邑歸昭簡公將以君應固辭成進士後
座主秦文恭公著五禮通考欲延爲參纂而以親老急
歸歸二年卒蓋乾隆乙酉年十月一日也距生康熙庚
子年九月初二日年四十有六諱愈字文起一字勉耘
先世居江陰至正末有孟吳者偕弟孟越遷常熟之石
橋圩代有顯仕若賢若洪若琛若繼文皆以科第進祖
本滌父諱之任居常熟析置之昭文遺田數十畝以好
施斥盡嘗病痢衾禡厠晝夜數十易君每自湔滌里
人喪其妻將鬻女以殮君亟支館穀殯之得不鬻妹二

皆早寡一貧甚迎致而撫其出居京師先後十餘年遇日蹇學日勤品日卓當君辭薦舉經學時齒未壯卽舉未必借先生擢司業卽四庫全書開館時君未歿必有薦者然亦未必諧于世人以是惜君亦以是益重君君耐石屋澗祖瑩且二十年其孤學泰學祐學晟學箕學裘等奉其母華碩人命請予表其槩爰擇其言之尤雅者著之篇以告樸學者

中憲大夫銘茶吳君墓表

奉尺一之詔乘傳就道入鎖闥祇事宵行省之舉子而進退之其雋者居弟子列稱恩門此儒臣之榮選終其身不數遇也乾隆六十年乙卯五月吾家銘茶學士君

白華後稿

卷二十二

玖

典福建試六月予典浙江試榜發聞君卒于甌寧驛館其日七月二十六也君以乾隆四年十二月十六日生子長君十年生辰亦先二日今嘉慶三年臘年七十矣季弟宗人府主事孝顯來告是月二十一日耐君子金山縣某字圩先墓而乞爲表表曰君諱樹本婁縣人乾隆乙酉順天鄉試榜名昕辛卯舉會試改名敬輿最後改今諱字芸閣一字貞生銘茶其別號也年十四後遭父母及祖母喪十九以首選列博士弟子在翰林二十年當己亥予以試差名第一典浙江試而君名第三

典陝西試子視湖北學癸卯錄試貢監特置今侍讀學士李君鈞簡超等第一越丙午而君典湖北試李遂領解君在塾時結同社爲文會糊名質於余余置君第一其詩文修潔有法度從沈明經大成遊備得其根柢大成世所稱沃田先生有學福齋集五十卷行世者也分纂一統志總纂南巡盛典分校四庫全書提調江浙三分四庫全書學日績職日舉辛亥御試翰詹諸臣以編修超擢侍讀學士同日子弟省蘭以侍講超擢詹事乃未周五載大命不延驛館蕭寥望空戀闕曾不若使命未膺妻孥話訣而子亦得效寢門之慟也以君內行

白華後稿

卷二十二

十

之純舉兩世葬皆備禮以張氏姑有撫育恩官編修時貶已封封其姑與張仲弟嗣宗病痲每旦顙叩額上腫若瘤與孝顯官同邸出入每同車此余所以不能辭孝顯之請而粗憶其涯畧如此君自定詩六卷文若干卷曾祖元龍康熙己未博學鴻詞翰林院侍講祖廷探康熙癸己進士歷翰林院提督四驛館太常寺少卿父諱澄四品廕生累贈奉直大夫翰林院編修加三級祖妣王氏先封淑人生祖母錢氏前母陳氏母宋氏皆贈宜人娶王氏封宜人例晉恭人子男七人學韓學沂學范學歐俱庠生學蘇學溫學潞俱業儒嫁太學生王九韶

者女子子也孫男五孫女二

馳贈奉政大夫翰林院庶吉士加六級顧公墓

表

省欽兒時先考嘗言以塾課故夫三桓之子孫微矣文
爲外祖顧公激賞許嫁以先妣比納采而公已先逝又
期而婚故言行多不詳公一子松早夭越五十年公從
弟希陶之孫祖功以序後松公葬所距公墓北半里許
皆在南滙之舊廿二圖字字號其村落曰趙老灣灣之
族顧爲大其習舉業自公始終公世籍博士弟子員者
數人公以康熙三十一年督學許時霖科試入上海縣

白華後稿

卷二十一

十一

學第一時南滙未析治學額祇二十人其題硯硯然小
人哉是故知命者不立乎巖墻之下越雍正二年先考
入縣學時年二十二公卒爲十二月十七日而不詳其
年其生更莫以考然公之生當在康熙初始娶朱繼陸
繼沈沈嘗撫欽弟省蘭省蘭于乾隆四十五年官庶吉
士時請以已封馳贈公奉政大夫外祖妣皆宜人公諱
宏烈字丕承父芳陽妣丁孺人繼李孺人以節稱省欽
少入外家有督學李公振裕旌門曰晝荻齊芳蓋康熙
二十四年學道始改學院之歲也嘗收得雲間入泮同
登錄自順治二年提學陳昌言始試之官試之額試之

年試之題與試而售之姓名罔弗備載雖其家之子孫
莫能徵者舉於是乎徵抑以歎登科之錄百官有司題
名之記或傳或不傳曾禮部籍三年中歲科試新舊文
生兵部籍武生奚啻數十萬人而謂區區是錄足以傳
耶毛氏奇齡李氏紱皆論宗法旣廢盡人而立後者爲
非禮以公之開舉族文學身歿數十年獲膺五品之贈
祖功有重而承之不有異乎毛李所譏者也公四女長
卽先妣累贈一品夫人次適王汝泰次適吳瑛次適曹
子以不德謬躋通顯歸田後展謁墟隴自念二十四年
前以省蘭第三子敬樞爲後今七十二而始舉子敬沐
永言母德薄置墓田因祖功之立石不敢以不文諉也
於是乎書

白華後稿

卷二十二

十一

塋上海喬注玉繩覆校

白華後稿卷之二十三

南滙吳省欽沖之篋

敬樞星宰
敬沐起元 校字

墓志銘

誥授朝議大夫內閣侍讀學士費公墓志銘

子同年內閣侍讀學士費公長身玉立飲啖輒倍人生平不省醫藥忽腹脇痛甚苦晝夜按以行則少止鑿者都不省子問疾猶數見見輒屬以幽隧之文子惻之而姑以慰也既哭寢門其孤卜地某邨其葬期未卜而預請爲之志志曰公諱南英字希文號道峯又號敬菴以雍正二年三月十五日生乾隆四十九年十二月二十

白華後稿

卷二十三

一

三日卒五十年月日葬乾隆十二年二十八年其中式舉人進士科之歲也工部營繕司主事員外郎都水司郎中江南道監察御史鴻臚寺少卿光祿寺少卿內閣侍讀學士其所歷之官寶源局監督巡視中城甲午山東副考官癸卯雲南正考官甲辰會試同考官其所奉之使也曾祖和鈞歲貢生候選訓導祖鳳池庠生舉賢良方正以疾不赴父傳馨太學生祖父俱贈朝議大夫江南道監察御史祖母於繼沈母嚴俱贈恭人配徐恭人子四紹元附監生贊元先卒邦直寶元俱太學生女二長適候選布政司理問於鉞次未字孫一孫女二故

事曹司日一人宿署應直謂之當月公初仕累日月磨其任工作所在勾稽校覈奸吏無所容柴廠煤炭廠火藥局硝磺庫諸劇務堂上官惟公是倚督錢法時凡解到銅鉛隨驗隨收無少苛滯在臺中先後條上六事其議行者禁琉璃廠肆摺紳錄錄已故與未仕之人以重官制請捐復人員戶部先咨查工部視任內有無核減銀兩方准報捐以嚴官欠請州縣驛站酌令佐貳官兼理以重郵政方四歲就塾詠無花果二十言爲司訓所賞司訓貧待甚公爲論以諷曰韓宣憂貧叔向賀之顏子安貧孔子賢之時甫九歲耳館石冢某氏讀文選聲

白華後稿

卷二十三

二

徹夜主人以爲狂相詰問乞所藏書盡讀之歷舟車手未嘗釋卷于經尤邃于易其論詩宗李杜晚年耽小詞日臨晉宋人帖數紙以爲清課弱冠喪太學公困絕不能自存遠館數百里外其後赴公車教習景山官學奔司訓及沈恭人嚴恭人之喪哀慟幾絕銜卹終身雖游轅順遂不以侈車馬服食之奉廉隅矜謹非義者千金不以盼也當乙未冬公展墓歸里有視學山右之命翌日以在假改簡又嘗有所陳請

上以原摺封還廷臣不得聞其故公亦不敢以語人一歲三遷漸幾嚮用且叟筵

寵宴相距不過旬餘促

不及待命實爲之而裘馬少年坐失一老成敦樸者爲
之準的是又深可致借爾矣公有經解四卷論著四卷
樂府二卷道峯詩鈔六卷日下集五卷新試帖二卷子
所論定者楚中詩四卷皇華集二卷詞一卷銘曰
費之先漢梁相家烏程姓乃望厥後遷豫章郡復其鄉
唐代近宋直院諡文端葬射邨居歸安廿三世公挺生
能其官文蚤名嗇於初臚於末捐館年六十一其遺訓
敦學品勒此詞萬耳信

誥授中憲大夫光祿寺少卿沈公墓志銘

乾隆五十一年春二月

白華後稿

卷二十三

三

上巡幸五臺

命先期引

見京察官於是光祿

寺少卿秀水沈公以病

予休公精咬咀之術活人

殆不勝計體故羸服食足以自攝年未遽六十大夫人
雅就養旣罷去將賣宅買舟謀菽水之奉日走別故人
訪五城舊蹟戒以三月之十九日遊畏吾邨而是蚤嗒
焉化矣予與公同舉同卿寺二年知公之豈弟樂易而
不究其報知公之詳明堅定而不竟其施憶前年去年
展重陽後一日迎 駕密雲偕宿昌平之橋亭子時

秋稼葳蕤原野清灑步邨南小池上公譔子頗以家江
風景思奉母歸結數椽板輿花下乞子文先人之瑩乃

其志未以遂而一二故人星流雨散旣歎逝者行復自
念此不得不徇其孤之請而辭不文也公諱琳字潤輝
號華坪少就傳輒了大義年十七籍學官二十八魁鄉
試房三十三成進士歷兵部職方司主事武庫武選員
外郎郎中江南道監察御史科給事中巡南城巡南
漕監鄉會內簾試事各一監外簾試事者四海貳京卿
責任轉簡其軍政之高下銖法之遲速庶獄之輕重行
漕之利害不操切不滲漏至外簾數弊予間聞其一二
及今秋得

旨監臨而寢門之慟已及半載末由以
受開益今其孤潛山縣丞方大來自皖江雖少以慰含

白華後稿

卷二十二

四

飴之隱而公之將以養請將以病請病未亟而遽亟養
可終而不終論者輒含恫焉公居家有內行與王恭人
事葉太恭人數十年如一日遭贈公喪時年四十一矣
粥飲者累數月不杖竟不能起事季父有子道與人交
甚親而有裁制其歿也多反映者距生雍正七年年五
十有八越某年某月葬某縣某原銘曰

公所家濮樂院自前朝隱未見曾祖父以字行曰載瀛
曰雲卿曰維章邀贈宋歲乙亥穀不熟貸不償千鍾粟
越來歲公舉鄉產雖斥名益彰歷臺省卿寺陟母望九
承朝夕女子四嫁者三有一孫乳尚含公論文宗韓歐

今銘公筆不逾丹旄旋葬有日長水涓卜云吉

詰授光祿大夫刑部浙江司郎中前刑部左侍郎杜公墓誌銘

上欽恤民命用慎庶獄刑部郎舉其職者不次長貳是部匹夫婦之控轡 命使勘讞不得其情不止金匱杜公爲郎時隨故尚書兆公惠侍郎錢公汝誠之宣化隨尚書今大學士阿公桂尚書棗公曰修之霸州隨侍郎四公達之福州侍郎阿公永阿之保定旣爲侍郎使成都使長沙兩使江夏扈行江南留蘇州讞雩都教諭枉劾事留淮安讞清河宿遷冒賑事又其間自壬辰春入

白華後稿

卷二十三

五

蜀己亥冬辭蜀跋山涉澗矢石如蝟軍精之輪輓軍需之支算手披口決無少苛濫以是爲練才而遇

主焉矣乙巳夏戶曹郎海昇斃其妻公頡身短視勘驗不得實譴伊犁明年九月得 旨赦還次蘭州聞授曹郎之 命時已抱未疾悲感不自勝馳至涇陽而歿人以歎公之才固以結

主知雖一節疎漏

天子不以是棄公稍假之年必復其始而大命不延凶閭奄至此予所以感慨論議而竊念士之不可不自立也公十二歲而侍養入都居四年補大興縣博士弟子

員得第後改復原籍觀政刑部遇案例誦記不忘於法於理於情必求其當故未補官而總辦秋審既截取知府而長貳請以陞銜留郎中任郎中有陞銜留任者自公始公爲文下筆立就雅州當金川南路之衝移駐三年不廢嘯歌予嘗和其登城樓詩倡修成都草堂子時受代將還促予預爲之記其虛懷善下當諷漢川武舉胡懷三賄僮貢認兇手事適有未安兩府不能言予一言而釋且以謂直諫又嘗語予善同里楊鳴遠楊旅病且革以貧薄孤幼爲屬因以長女許字其孤子以語公之孤而孤未之知則其他嫩言謹舉爲人所不知者又

白華後稿

卷二十三

六

可勝道哉公氏杜諱玉林字寶樹又字曲江又字凝臺乾隆庚午舉人甲戌進士歷刑部主事員外郎郎中除江西南康府知府未抵任擢江西吉南贛道會丁內憂服闋補四川鹽驛道卽其地晉按察司按察使布政司布政使擢刑部侍郎鑄級以三品京堂用旋擢工部右侍郎兼署刑部侍郎事終刑部左侍郎充殿試讀卷官順天鄉試副考官各一閱朝考新進士卷閱三館膳錄卷各二曾祖圻祖錦俱太學生父灝乾隆甲子舉人直隸沙河縣知縣以公貴俱贈光祿大夫刑部左侍郎曾祖妣蔡祖妣孫妣孫貞贈一品夫人娶宋夫人乾隆乙

丑進士山東利津縣知縣煥文繼毛夫人國學生嘉模
女亦先卒子光炎國學生安徽試吏目楊芳潤湖南試
吏目陳鑠其女子婿也國學生謝應鏗其撫弟之女子
婿也幼女未字孫一孫女三宋夫人毛夫人始祔於邑
之擘剛灣光炎將卜地葬公而遷祔焉葬以某年月日
生以雍正六年八月日卒以乾隆五十三年三月日銘
曰

公之先世自汴而南公也第二與兄弟三就傅之初一
日千里占籍京華於古有此讀書讀律會遭外憂 命
假六月以表松楸陳情終制乃公大節自是在官歲無

白華後稿

卷二十三

七

停轍二金逆命三路出師有中有南峙糧是資嘯咏依
然廩祿有幾爰釜企延百數千指緬公之行把公之詩
詩右八卷餘文倍之西徼投荒 賜環承寵六表遠終
銘茲泉壟

賜進士及第湖南辰州府知府諸公墓志銘

吾師餘姚諸公之病也省欽自廣西奉使還京道武昌
執手語移時別踰月計至言觀已歸去孤開環纔十四
歲耳去夏開環來應雍試哀公遺文若詩止四卷散佚
過半如癸未甲申間同省欽作者至一卷而省欽所同
作亦散佚幾半竊念名位有定時命間阻雖華實茂美

體用兼備之士有幸不幸或天之旣已阨之而將以昌其文與其後固不可得而知也公少慧母蘇安人爲杭州府學教授滋恢女公讀書學署如厲傲士鶚杭編修世駿孫通政灑陳太僕兆崙宋侍講佩蓮皆著錄教長門深共推挹論交在師友間而封公以經世之學主大府章奏凡名律之輕重食貨之耗息與夫河渠軍政之是非失得燭照數計每爲公指其端緒故公以第一人冠中書直軍機者數年以第二人對策主山東鄉試分校會試各一一時稱得士當公官中書時以察典名

記

白華後稿

卷二十三

八

御屏泊人翰林兩院長皆薦公習吏事

簡知辰州

府事中丞晉寧李公倚若左右手李剛直每負氣藩使者遷怒及公李去代之者爲藩使所親道出辰辰水方怒漲留二日始發以公玩民瘼劾罷修堤工蓋丙戌六月日也戊子夏子使黔過辰辰吏人指公結茅棚編舟筏施粥米處又言辰水夾兩山作建瓴勢雖盛漲不一二日輒消舉客嗟太息於藩使爲戒云公旣歸與其孟侍堂上養蘇安人厭世會南豐李恭毅公開藩于蘇招封公公亦應梁文定公遊楚之招將歸病劇而歿名公卿及士大夫交相搢掩以謂時命之不可知至此公諱

重光字申之一字桐嶼乾隆癸酉以副榜貢生舉於鄉
庚辰成進士歷內閣中書翰林院編修湖南辰州府知
府康熙五十九年七月二十四日生乾隆三十四年十
月十三日卒先世故姓朱元末彥明公由亳州遷餘姚
改今姓曾祖國正副榜貢生勅贈文林郎翰林院檢討
祖起新康熙丙戌進士翰林院檢討父諱先庚廩貢生
勅封承德郎翰林院編修後公四年卒配俞勅贈安人
繼孫勅封安人生開瓌今爲廩貢生以省欽出公門下
不爲洩忍誣善之辭乞預爲之文俟卜地葬公與俞安
人而爲孫安人生壙焉銘曰

白華後稿

卷二十三

玖

公在郡時太公就養七秩之辰優歌闕響曰維恭儉慈
惠可知弟有孤姪身爲之師六草三真問誰抗手制誥
之文猶在人口集止此夫官止此夫載銘幽隧載歆載
獻

誥封中憲大夫前河南陳州府知府張君墓志

銘

乾隆五十五年正月十一日 封中憲大夫京畿道監

察御史前河南陳州府知府張君卒於里距生雍正二
年四月十五日年六十七其孤百齡等擇地於大興縣
之某原俟來春井椁而乞省欽志之志曰君氏張諱法

良字素菴先世以瀋陽籍隸正黃旗漢軍曾祖奉祿贈昭武大夫祖宏任熱河山莊供奉加遊擊銜贈懷遠將軍父諱應魁直隸正定營都司曾祖妣李贈恭人祖妣杜徐俱贈淑人母沈封恭人配李恭人子百齡京畿道監察御史前翰林院編修仁齡廩膳生先卒錫齡候選州同桂齡副榜貢生女一先卒適舉人邢昌孫一孫女四君箴仕令嵐縣嵐於太原最貧瘠歲已卯饑申狀天府得予賑君釐按丁戶朝籍而夕給之又明年秋雹君以請賑之需時也亟糶鄰縣粟而勸境內之蓋藏者爲粥以食旣而得賑旨下嵐之民無流移者治嵐十

白華後稿

卷二十三

十

年兼治岢嵐州者再繕成垣置義學榜所居室曰居易言人居其難我居其易也某氏女通於中表王其父覺而令之絕王復至執而誣以強鄰縣令奉檄會鞠入王罪君以去就爭於府王得不死其同知寧波府也奉委采銅於滇山水險遠銅船沈壞起撈率三四年始返輒累金累千君發株掘根首尾二年而役蔽涉洞庭颶風作舟人惶怖號泣君肅衣冠致禱桅折而舟不覆人以爲神省官錢數千緡大府交章薦旋以例引遷調閩之漳州府同知不數月擢守陳州時潁河決口未合督治夫料日夜不少休又頻年運餉於滇運糧於滯勞疾間

發歸而偃息數椽種花累石席國史自娛蓋君始以武
職起家砥礪於學舉甲子順天鄉試百齡負詩名少時
親爲之授爲守令三十年室無媵侍居無玩好衣不做
不改作有三弟皆爲之婚能援人之急遇人必以禮雖
御下無褻嫚語在晉時同僚某於廣座侮之旁觀愕然
君絕不與校其入滇也上官不滿君故以遠役苦之君
欣然竟往其器量多類此生平不言內養屬續之蚤飲
啜如平時已而腹痛歐淡不止端坐逝鼻觀垂玉筋扶
寸嗚呼此亦足以覩君之守矣假而係懷榮利力疾戀
官則棲遲數載間何遽不躋臚仕者而豈易睹哉銘曰
無病也以惠我嘉師以型我碩耆不我是信徵我辭

勅封太孺人彭母歐陽太孺人墓誌銘

太孺人氏歐陽贈文林郎彭湖之妻進士錫璜拔貢生
錫瑾進士錫珖之母也文林君有聲庠序好施與以父
歿三母弟俱幼不赴舉孺人事姑歐陽得其歡悉委以
家事強記古善言行以告錫璜兄弟遇有字之棄紙必
泐以香水焚而瘞諸野遇古書畫圖籍必以績紡所出
飲其購之貲塾之中漿醅茗飢之屬必豐且潔四十年
間錫璜同祖兄弟十一人領鄉薦者一籍諸生者六僉

以謂微孺人不能相文林君以有成而錫璜兄弟大小
試凡得失利鈍孺人微之讖與夢而無不信也憶予總
角時先大夫偕世父季父隨先祖歷諸試榜未發祖妣
倪太夫人預語家人曰夢一媪持金花草蹶然至矣或
曰雙歧矣曰萎矣金花草者其節間吐黃花未花時鬚
美吾鄉人謂之草頭功令凡大小試合格者簪花披紅
予至今以謂神謂夫下帷至苦科名之事至難鄉曲小
夫若有三公不以易一第者職母教者專固凝一之氣
固有以召之而士之由甲乙科致身通籍者尤當念及
母劬勞之德以貽令名於無窮也錫璜之令二臺也孺
人以道遠未就養今以闕服除瓊之文昌詣予請曰卹
民力慎民命吾母訓也吾母存亦不能渡海而錫琬需
次爲選人錫瑾之子嘉恕亦以拔貢生入京筮某年月
日啓吾父戚家坂之藏而錫瑾祇事焉幸銘之以存吾
母銘曰

白華後稿

卷二十三

十三

丁亥秋母也卒距生年開九秩男子三女子一女子夫
周厚轅以辛卯登詞垣璜亦雋喜填門科名草連叢茁
眷春暉逝何及天只天只以妥同穴以芘後昆只

壻上海喬淦玉繩覆校

白華後稿卷之二十四

南滙吳省欽沖之簞

敬樞星宰
敬沐起元 校字

墓志銘二

贈中憲大夫因亭陸公墓志銘

陸於吾郡族最望明嘉靖間上海文裕公深華亭文定公樹聲皆以翰林躋通顯品地清峻福齊於文所論謨傳於後文裕裔孫副都御史錫熊以纂四庫書由郎中改翰林院侍讀歷今官而翰林院侍讀學士伯焜先後十年間誦芬競爽才望相若實文定公七世孫南京刑部侍郎彥章之六世孫而贈中憲大夫因亭公長子也

白華後稿

卷二十四

一

公一字文思諱楣曾祖慶臻明崇禎壬午舉人名在幾社祖諱光弼太學生父諱瑜康熙庚子舉人泰興縣教諭以學士故贈中憲大夫妣顧贈恭人公之先自郡城遷青浦之朱家角讓上田與三兄而已取其汗瘠者既棄養獨任喪葬結茅墓側課耕作田下不可稍則種蓮芋菱芡之屬以自給中歲失明家益困蕭恭人率諸女以十指謀朝糴及哺復如之公顧不以懟怨猶急人之難有告者至解衣以應蕭恭人冬不棉夏不疇雜糠稊以飽而公與學士兄弟在塾中未嘗無禦寒之衣適口之食憶辛巳冬予割居婦弟宅學士偕予弟省蘭赴江

陰候學使者試迎 鑿賦脫布袍請予婦綴羊皮袖若
不得一當無以慰二親後十二年而應天津 行在試
賜舉人又七年入翰林又五年 御試翰詹諸臣置
一等擢今職去年以京察上考傳 諭問願就外任
否而學士嘗以舉人叙用知縣公再三寓戒毋強所不
能因以不習吏事謝公又戒以文定後不可無公祠無
公產以飲喪葬之用學士固以成之予京邸與學士隔
一牆各舉少賤時事與夫恩勤鞠育之狀其艱苦宰相
視至貧而在下無可濟於物而此心皇皇然日不足此
則天之所報而非後之人自致其報特學士之所爲予
白華後稿 卷二十四 二一

兄弟志焉未逮者爲抱痛而不自勝也公有因亭吟稿
叩槃集若干卷以康熙四十八年十一月初七日生乾
隆四十二年九月十一日卒蕭恭人以康熙五十年十
月十八日生乾隆二十八年六月十七日先公十四年
卒子二長卽學士君次仲勳太學生女三吳江太學生
沈廷一青浦太學生張景直常熟候選縣丞馬植基其
壻也孫四元琦元均元培元會孫一壽銘某年月日
祔公與蕭恭人於縣之景字圩九峯橋祖塋之次學士
宜自爲之文而猥以屬予乃銘曰

廉惠之德家漸斥也詩禮之具昆自裕也生廬墓旁歿

而耐藏後道前岡漆燈用光

朝議大夫廣西梧州府知府前長蘆都轉鹽運使運同孟君墓志銘

太谷望孟氏官曹郎守郡監司者相望然自蘭舟通參
蘭溪大尹外由進士進者或黜吾門伯川太守於書學
董文敏於詩學才調集又工爲制舉之文三晉之登館
閣者未能或之先也然齋志不一第授長蘆鹽運司運
同非其好也然卒能其官六年遷廣西梧州府知府將
引對矣會冬至集萬壽宮行禮海風大作冷徹肌骨亟
煇火暖足足遽弱乞歸調治又七年壬子九月十五夕

白華後稿

卷二十四

三

偕座客談笑氣稍逆就寢如常俄而嗒化去距生乾隆
壬戌六月初六日年五十有一其孤太學生熊飛候選
布政司經歷熊夢將以明年二月日葬之縣東楊家莊
先隴先期乞余誌之按狀君諱淦字伯川曰晴瀾虛舟
其別字也先世故固原州元至正間仲明公隨父本周
公宦遊太原卜居大谷是爲始遷祖十二傳至贈朝議
大夫貴州平越府知府周衍是爲君祖君父平越府知
府 嫡母胡生母胡皆封恭人配溫恭人先十年卒
生兩孤及女子子適楊泳者也平越公爲長蘆運同於
鹽關口立浮橋君至出已力修之以鹽關秤架欵輕重

申請換准護運使者七閱月於陋規無所取每以仲兄
水部君商河東者數年產盡落故恤長蘆漕者倍至當
庚子甲辰春

上巡幸江浙君先秋挽

御舟達江淮

子叙加二

級一遷出守謂有補於邊郡而蹙蹙不興設施不竟故
可見者止此君有龕山詩四卷與帶津詩二卷清淮詩
四卷先行世未刻者龕山文一卷退思詩六卷環香集
四卷環香詞二卷子嘗念天之賦才亦殊國家之求才
亦甚切乃遇合之故在可知不可知之問科舉一途直
士人出身之始而舍是而致其身行其道者亦間有其

白華後稿

卷二十四

四

人焉此余所以重慨於君而文章九命之說舉足以奠
之也去年春予視學畿輔歐血不可止因憶戊戌夏臥
病三十日君兩劑而愈學醫不可費人學書不可不費
紙每爲君諧笑之逝者可歎行自念耳而忍銘君墓哉
銘曰

旣庶加富堯舜憾斯晉多富民悴于鹽池君有同懷其
力不支君有營纘破甑用炊君官鹽官廉靜內持曰以
行恕而敢自私自官事若此內行可知孔訓文行疇其庶
幾前岡後道瘞此隧辭

誥封奉直大夫累晉朝議大夫湖南辰州府知

府菴菴陳公墓志銘

公氏陳諱遇清字確士一字菴菴以奉賢縣學弟子員
貢太學以子乾隆癸卯舉人候選大理寺寺丞廷溥封
奉直大夫乾隆辛丑進士湖南辰州府知府廷慶累晉
朝議大夫曾祖諱蓋有傳耕堂集黃宮允之雋序以行
祖諱祖壽父諱基贈奉直大夫祖母氏 母氏程贈恭
人娶于顧封宜人累封恭人公少而強識能文章試南
闈不利以父命割三季產而自取其下者別構宅於故
宅東南數十武奉侍父母父病噎不解衣者踰年走百
數十里求葬地丙舍建矣凡三易而始視窆從弟打箭

白華後稿

卷二十四

五

爐同知文錦卒於官爲經紀其喪與家事延塾師課子
則命從子與之偕皆籍諸生有爲校官者自其子童子
試至鄉會科必挈而董教之留京邸數年辰州郡署五
年歸殯日歲適大祲衆以公乙亥丙子間出粟倡募飢
餓者今廷溥繼其志而公之志慰公之澤爲勿衰公所
居曰南橋其黠者請縣府移建漕倉所司議上矣公語
子縣不產米糴於郡以輸郡西之倉今糴而載之歸不
便一黃浦風濤惡百數十糧艘泊累月不便二移倉必
度地納糧必動衆經費不能盡出於官而游惰適以逞
其智不便三且四尹文端公督兩江時駁案具在予以

語前制府書公檢案遽寢蓋公熟於鄉之利弊創議葺縣志建文廟建儒學署倡捐繕皆不費性溫直能急人之難乃義所不可爲則愔然深憂其旣然其才不大見於世然奉賢自析華亭置縣後垂七十年入翰林者惟廷慶兄弟俱列科名者亦惟廷溥廷慶令名是享福祿日來誠不意未大耋而嗟也然公之喪以乙卯正月歸是月銅仁苗與辰州苗相煽攻殺官吏軍械軍糧於辰取辦嚮使公尙就養必有教其子以襄戰績者難作而公且葬焉豈偶然也哉公以雍正元年十月二十一日生乾隆五十九年七月十六日卒乾隆六十年十月二十五日葬于縣之某園某地並營顧恭人生壙焉廷溥等寓書乞銘銘曰

奚貌之卷然奚量之淵然奚種德累行而弗底于大年有女二有孫三豈惟厥子之賢佳哉漆室銘是鑄中憲大夫掌湖廣道兼掌京畿道監察御史程

公墓志銘

當乾隆辛巳間予憂居里門東南士人徐

聖駕三至近光奏賦僉矯首礪角幸一當亡友葉抱崧爲予兄弟言公高才樸學甫逾冠爲諸生祭酒予以是耳公名癸卯冬予自楚還朝公時官中書子弟長女妻

白華後稿

卷二十四

六

公第四子世芸始面公過從洊密聞示所論撰於漢學
旁疏曲證不武斷不鑿空斬斬明明無以測公經學與
選學之所至而公分棧四庫書分棧盛京志總校一
統志覆校武英殿書纂修方畧目芸手薈閣師舉以
是知公置內閣簽擬十一年無或舛漏卯出申歸日以
常充鄉試同考官者再巡視五牘漕務者再

召對皆稱

旨再書上考

記名以道府簡用乃一以願留京職辭

一以母老辭軟塵矮炕間雜蔣花竹琴壺鉛槧見者幾
忘爲長安邸舍矣今丙辰春予將按畿南試輒語予秋

白堊後稿

卷二十四

七

涼當乞養南下檢勘故業以副畢生之志曾未改火傳
遠赴焉世芸愿而能文前十年予哭之世芸嗣子元濂
十歲矣前年殤予又哭之公少予十年素無疾神采奕
然今又哭之殆所謂名可掩位而年不酬德者耶予是
以悼公之學與仕尙未竟而抱崧之齋志尤無窮也公
著書滿家行世者周禮故書攷儀禮古文攷禮記古訓
攷說文古語攷續方言補稻香樓試帖其春秋傳文異
同攷說文引經考駢字分箋稻香樓文集詩集藏於家
公氏程謹際盛乾隆庚寅庚子

恩科榜名同

御名第二字改避字奠若一字東冶始祖晉新安大守

諱元譚至三十二世孫照遷休寧其遷長洲者爲公五世祖可意祖有楠太學生封朝議大夫父文詔太學生授朝議大夫俱累贈中憲大夫如公官祖妣黃繼祖妣陳妣朱俱累贈恭人繼母朱累封恭人歷內閣中書內閣侍讀湖廣道掌湖廣道署河南道兼署掌京畿道監察御史配吳恭人生子四女一先公二十九年卒繼徐恭人生子一女二子世萱增廣生世英光祿寺署正世華世芸俱太學生先卒世茂太學生孫元濶元濬元潞元澍元濤其次元濂卽後世芸十歲而殤者也女三壻曰戈宙文曰蔣錫朋曰許乃賡女孫七公以乾隆四年

白華後稿

卷二十四

八

七月五日生嘉慶元年三月二十九日卒年五十有八某年月日世萱等卜葬於某縣之某阡以吳恭人祔且築徐恭人生壙云銘曰

公父勉亭公長者治命笑折券盈把文謙醴肴饋母也以瘁致鬱其病肝聞公獲舉嗟加餐公侍親疾心力殫微飲選艷邪辦此急友朋難視猶已施匱若樛歲難紀往在壬子秋漲狂設賑城北關及鄉公八閱月寐不遑能其官不竟其用曰任曰學材出衆漆燈熒熒罔時悞中憲大夫福建分巡延邵建道賈公墓志銘

嘉慶元冬封印既予嘔血兼晨醫以詩筆戒門人刑部

郎賈澄寓其先人遺狀乞志墓子以謹之不克辭而又
不克文也改歲首春乃發讀而塞其請按狀公氏賈諱
廷彥字吉士一字美堂世爲陽曲人祖灼之拔貢生候
選知縣贈朝議大夫父坊歲貢生候選訓導封朝議大
夫祖母王母孟俱封恭人子洲邑增生澄刑部主事女
一適太原處士傅山之裔履豐孫繼祖紹祖孫女三雍
正三年十月二十三日乾隆六十年九月十九日其生
卒之年月也嘉慶二年四月 日其葬之期其地則
某縣某阡也乾隆丙子其以優廩生貢優行之歲己卯
其以國子監八旗教習舉順天鄉試之歲也公以乙酉

白華後稿

卷二十四

玖

春試吏四川權江安令歷納谿永寧江油旋補清溪縣
知縣縣環萬山下故西藏孔道又大兵征緬夷凡軍需
牛馬及以病傷歸蜀營者大半由縣蒞縣四年驛不弛
民不疲旣移華陽而涉遠間起居者不絕時用兵金川
公黎明詣軍需局核昨日所出納旋詣各大府行館決
輓輸徵調之策若何侈若何膏若何便不便夜漏下歸
縣收民間訟狀始退食食已復升堂治讞無大小未嘗
妄用刑必得其實而後已就枕率夜漏下四五公遷去
而有核減運費著賠之款華之民請於所司代償之遷
忠州直隸知州未任權守成都於所屬軍需收支歸撥

一如令華陽所爲擢守潼川逾年以孟恭人憂去服除
命以四川知府補用權建昌道川北道旋補龍安
府知府先是辛丑秋江漲刷城東圯百餘丈城中牛積
水公先導江次築堤堤下作犇嘴以殺水上種柳旁播
草於江油之大平場中壩皆堤以禦水於郡東鴿子崖
峭險處架偏橋三里餘以利行者在龍安八年方奏調
潼川而特擢福建延邵建道不二年以疾引去綸帷布
被裝齋武夷茶數十罈而已公至性過人未亂孟恭人
病輒焚香禱于神其爲選人疲作忽蹶起誠洲曰吾兩
月來未有以資養其函典衣以寄幸勿言我病其罷守

白華後稿

卷二十四

十

潼川時軍事尙殷大府將以留任守制請公以孟恭人
屆八十違侍八載固辭始止終喪不作佛事留質茗飲
或諷以儉其親者公曰誣親悖禮莫此爲甚吾敢隨俗
以滋罪戾耶凡自守類此間嘗論親民之官必來自疾
苦而後能急人之疾苦公肄業成均執手舉爨其揀選
引 觀也貨冠服獨往待漏其作郡不攜家不延幕當
予入蜀時軍興方亟論者以諸生梗餉饋富峻以法公
獨謂當開諭其所惑而予以自新故予在蜀五年未嘗
以軍需褫一生而令卒不梗至今思其言以謂愷悌樂
易之風有賢於猛鷲者之讐其下也嗚呼其心弗銘銘曰

公治縣府土多瘠不肥其家民所德民良吏良一誠格
謂於讀書務實得徒資口耳復何益有子繡經被手澤
其一登第遂通籍年七十三未滿百歷官監司返故宅
氣佳哉卜窆若宥

朝議大夫福建福寧府知府蓉溪繆公墓志銘

乾隆六十年五月泉州水石米錢八千上官邀建寧守
繆公往平糶倉故虛乃便宜汎臺灣米以濟得不饑公
先以九月權福州府篆兼視鹽道篆甫自泉州歸而虧
空案發上官皆伏法道府直隸州吏議有差建寧屬有
七合計不下累鉅萬公毀家紓其難七人者幸無恙斬

白華後稿

卷二十四

七

上官亦以是多公將薦公卓異而公心力竭矣病隔請
退未受代而卒嘉慶二年四月二十一日也距乾隆十
年正月十四日生年五十三其孤元益來告今嘉慶三
年十月日將葬公於邑之某鄉而請爲之誌按狀公氏
繆諱暉吉字愚若一字蓉溪先世南昌人洪武間有輔
國將軍應祥者以兵守蕪湖遂爲始遷祖曾祖大中順
治乙酉副榜候選知縣贈通議大夫祖振公太學生贈
通議大夫父孔昭河南按察使授鴻臚寺卿曾祖妣王
氏贈淑人祖妣沈氏俞氏母鄭氏生母高氏俱贈夫人
配朱氏贈恭人嚴氏封恭人子元益候補布政司經歷

女四嫁殤者一嫁者一未笄者二公蚤失怙伯兄山東
藩伯其吉以官廩生例注縣令借入京肆力於學負時
譽京兆試天津奏賦 召試皆不利時藩伯監司山
右乃以川運例筮仕濟南同知會

翠華將自江南回閱泃河堤工堤鄰微山馬蹋諸湖公
督辦第一段期又迫爲悉心相度斡築如法

天語以爲遠勝南工各予叙加一級藩伯來東引避改
判開封府權鞏縣內黃縣陳州府河南府事嘗督睢河
東壩麻廠凡徵收一無所溢民聞風趨事惟恐後其抵
建寧也府城自乾隆四十九年大水後闔城無質庫民

白華後稿

卷二十四

七

無所緩急公慰勸再四各城門市肆遂廣新禮殿治城
壕刻萬石灘立標爲行舟引其他壘橋架閣便於民者
靡不舉郡署中一蔬一簞靡不出諸已于寒峻必加禮
曰吾不以科目進見之殊鄙鄙也於里黨必竭懽曰吾
不以膏粱炫思之殊懇懇也公事畢手一卷不輟嘗示
予蓉溪詞四卷芊緜婉轉直入南宋人之室予擬爲序
之而未有以踐也其燕游晉游豫游閩游詩醉竹軒詩
予皆未之見不且嘗一嚮而知鼎味耶銘曰

公弟習吉曩尹襄陽予視楚學出公報章公兄子雋相
攸子曰稔公內行在家必達從政十年一面是謀時歲

己酉一麾闔甌來告官事去其疾苦不陵不援敢設城
府來告家事戒其怙夸克勤克儉庶免玷瑕相彼覆巢
有鳥翺若人爲鼎俎我爲瓊珞力官致疾力疾辭官得
正而斃存順沒安鳩江之陽高阡屹屹言志寤宮我言
維則

壻上海喬淦玉繩覆椽



職也表若志史例也墓有志有銘或無銘殯有志有表無銘文例也表其殯而其體如銘昌黎之於房使君鄭夫人又例之變者也婦之德在不暱已親故漢明德后之德爲至不暱已而推本於夫族之親其明於大義何如者子故樂表其殯俟異日井椁而續書年月日與子孫官闕云宜人生雍正十二年五月十五日卒於嘉慶元年九月二十四日年六十有三子四長卽丙曜應璧侯選中書科中書應培邑庠生應堉太學生女六人俱適士族孫男女俱四人俱幼

八王母黎安人殯志

白華後

卷二十一

二

安人姓黎氏湖南寧鄉人縣學生贈儒林郎翰林院檢討王君炳旭之婦上林縣知縣沂之妻翰林院檢討坦修縣學生寯修之母也父再尹母胡氏繼母彭氏譚氏與異母弟四人如一母上林爲贈君第八子年十七安人來嬪弱上林一歲爨析贈君安上林以居居七年卒又四年上林母黃安人卒又十年己卯上林舉于鄉丙戌成進士其令陽朔時後又十三年矣安人自家挈其次子婦至以坦修同祖弟冲修振修泮修從從之賀之上林上林在官不四年安人在署不三年罷歸治任無一怨尤語也上林受田止數畝安人節脩入晝夜操作

田稍進受命服始御繪猶親視廚傳性慈愛上林第六
兒子厚嫂殷相繼歿安人撫其女旣而二孤之撫於其
四兄七兄者皆就安人撫以次授室籍縣學生乃去有
媵婢鬻可百金安人曰吾不忍令以賤終禮遣去坦修
嘗語余安人比脹膈恐成痞致參餌求療而十餘年來
安人寄蔬茗及箴箴皆出己手年未高而訃甚猝故負
痛再四請余文嗚呼文墓難文婦人又難故柳州之於
叔妣潛溪震川之於其妣往往自爲之然以禮義之教
之衰與其洽於人徵之男子不若徵之婦女子坤主吝
嗇及其入過而終與於不仁觀安人之所以遇其婢者
而歎其德之盛且過於不妒而妾之者之尤盛也而因
以知公姑從子之久與安而不去而又從去也安人生
雍正三年二月初二日卒乾隆四十九年四月初六日
年六十坦修攜其子名鬻名翥名科自京師戴星歸稟
上林命治葬地爲志之殯如此安人又有女子子三皆
適士族

誥授奉政大夫順天府西路同知黃君殯志

黃氏世爲莆田龍塘人君少慧祖與父迭爲之師莆田
試童子不下五千人學使者以君詩賦冠一郡入郡學
第一年二十五矣旋受廩越五年舉壬午鄉試又十年

挑發直隸試爲令權元氏補阜城調獻縣遷大名同知
調石景山同知再調順天府西路同知西路衝且疲差
務填委屬州縣自大興宛平取決京尹外若良鄉涿州
車騎冠蓋暨雞狗詬誶之事無所不問君履任一年會
臺灣民林爽文等倡亂軍檄旁千年餘始定君監送輜
車累晝夜不交睫曉爲腫其治所曰拱極城距長新店可
五里店商賤糴貴糶穀未成爲券擬貴賤而責負者之
償謂之買空賣空北京國戶和之穀日昂君廉知其奸
請予及大司農曹公沒其貲入官得 旨給普濟堂養
窮民穀價遂平東路之寧河有于李二族爭大高泊界

白華後稿

卷二十五

四

官吏勘不決檄君往遂定其在阜城修學宮葺城隍廟
凡遣送鞘餉檻囚皆官給車贏不以歛之民其在獻創
日華書院肄生童歲庚子院士之鄉舉者七犯囚羅世
高過獻毆役索酒食君請重之罪制府以聞得 旨黃
碧海辦事認真朕不以小善而遣之也君用是佐郡而
順天四路同知其率屬與守郡無以異君之屬嘗告子
以君於賂遺無所取每按部未嘗肩輿至因憶己亥冬
予自浙江使旋道獻縣君相迓於道左禮畢策馬去予
以謂直隸長吏慣鞍馬其效如是乃今而知君自試吏
以來固未嘗一日輿以肩也嗚呼其可風也已君口澁

遇事則指畫如繪所衣無褴衣亦時付質庫公車過境有謁者無不飲以屏屨有弟妹九人遇事必盡其力君諱碧海字微伯曾祖某議叙某官祖諱翼廷邑庠生父諱乾三歲貢生俱贈奉政大夫大名府同知曾祖妣邵祖妣陳妣陳俱贈宜人配陳氏封宜人子二錦輝俱太學生距君卒一月餘而毀孫某君以雍正十一年月日生以乾隆五十三年十一月二十七日卒既殯之官舍之旁俟凍解歸葬焉而文之以爲井椁之用

封文林郎直隸武邑縣知縣杜君殯志

崑山之杜出晉當陽成侯有諱王保者仕宋爲湖廣巴

白華後稿

卷二十五

五

陵縣學官自洛陽遷於崑是爲君始遷祖祖天叙侯遷州同父景鄴邑增生贈文林郎母方氏贈孺人生三子君其季也少作文招擢胃腎經夜或不寐旣不得志於有司則以國子生考職列一等授主簿復入貲爲選入乾隆十八年簡往雲南運京銅權南安州州判領乙亥綱船以進沈三船撈摸折耗亟驚產以償家遂罄還滇攝新興州吏目君位卑所至與其長言詩文集士子具饌會課其長以是嫉君罷去然人亦以是多君執業者常滿故雖躓不甚困閱十數年竟歸予嘗領工部之錢法運銅官交兌多不足疑當局官吏之故而不必然

水險路長領運官止牧令不能多僕從僕從之乾沒船
戶車戶之捭耗日賸月削有祿命者年餘幸抵局否者
往返三四年抵局兌收而官始保抵牾而命始保廿年
前予邑人呈貢令王廷欽以是溺洞庭一子亦溺其未
字女聞而自盡五六年來令銅船入峽出峽凡湖江程
路方面官親自護送以小舟導其夷險詢其竊攘其患
稍衰息焉牧令如此況倅尉哉況新令時未下哉君歸
時年踰五十逮母養以終母之世性好善族黨稱爲長
者又十餘年而子羣玉舉於鄉又十餘年北來就養比
年不長於行羣玉乞歸養既投牒作詩述懷乞子和和

白華後稿

卷二十五

六

有庭訓原無造業錢旬君領而誦之嘉慶元年六月十
四日戊子也越己丑日下春令人掖起坐遽逝殮之日
色笑如生聞者多以謂孝謹淳懿之應距生康熙五十
六年十一月十八日年八十矣羣玉走使乞爲傳子應
之曰非史官不立傳亭林之言也昌黎王承福傳係之
雜著毛穎傳係之雜文皆寄托而作也其碑誌文十二
卷祭文亦二卷謂二者中法也今葬未有期富爲文表
諸殯俟葬而詳其時地樹石識其後可君諱讚字嵩岳
號雪堂以羣玉官直隸武邑縣知縣受 封文林郎配
唐氏贈奉直大夫孝廉方正德宜女先君十五年卒

勅贈孺人子一卽羣玉孫三人長獅縣庠生次翊次翹俱幼

桐鄉廩生金熙泰殯志

予自歸田後衰疾畏談藝今年春金生熙泰傅舟介予族子蔚光及其舅張氏伯興載仲興鏞固請來執業三子具文望不於三子之執而又不獲堅拒輒隨手點定其時文及辭賦數十篇未數月業日進旣落浙闈其仲舅捷問至越兩旬生落薦之卷亦至會飯遂噎噎已飯如故不汗矣而醫者劑以補室注剗臂肉療焉竟不起嘉慶六年十月初九也距生乾隆四十四年七月二十

白華後稿

卷二十五

七

日年二十有三無子金舊賈休寧生高祖康熙庚辰進士工部主事贈資政大夫南廬先生樟居太倉而籍桐鄉故世爲桐鄉人曾祖刑部員外郎記名御史燾予官中書時嘗以後進禮見祖垣刑部員外郎歿於海運倉監督任未一月而父太學生鏞卒於毀鏞弟鏞鬻所居以了積逋且營葬生齒纔亂隨母依外王父母居婁之塔射圃書侍伯仲舅課夜侍母課母故善詩箴一鐙手績而口授之生用是聞於吳會間試屢冠其儔衆僉謂金之宗庶以亢卽以相法論萬無夭折理也雖然死於醫者多矣其死於才而不遇者亦多矣生也有名願以

爲之祖有孝與節以爲之父母習華綺而已集於枯槁
短折而遂缺其養賚恨於黃榜者尚淺而齋恨于白髮
者更深使異日并此數十篇之可傳者而付之蛛絲蠹
蝕間亦無如何也幸也身後五十三日而得一男也此
其舅之所以悲且以喜亟欲見余而爲之請也系曰何
文之富兮而遇之窮何身言兮甚偉而齒數不豐誦芬
兮而躬弗享其報舍命兮而室弗收其效天耶人耶靈
徠載告

增上海喬淦玉繩覆校

白華後稿

卷二十五

八



白華後稿卷之二十六

南滙吳省欽冲之篋

敬樞屋宰
敬沐起元 棧字

壙志 墓碣 厝志 事略 祭文

誥封夫人晉贈一品夫人元配查夫人壙志

夫人江蘇婁縣人氏查諱靜父諱澤祺國子生贈文林郎母陳孺人乾隆庚午年二十二子贅焉又四年子客九江歸始偕歸下沙時先大夫已歿先夫人繼王母倪太夫人愛之甚視子弟猶弟妹也夫人孕屢墮視妾出女子子視子弟省蘭子女猶子女也在子湖北使署子弟婦許夫人卒於京疾革呼夫人晝夜不絕聲夫人

白華後稿

卷二十六

一

喘且腫累三四月始革冬寒子弟每五鼓入直必刺聞訊問否申盡出來視移晷始去而夫人故事佛前年四月子歐血入冬漸瀕去年三月夫人忽語予入丫髻山報佛力止不可歸而病病間復作臘之二十三日立春矣凭几不能臥起子弟爲文禱東嶽之神而不使予聞越二日夫人食漸進又三日神氣湛然稍稍任應蒼子弟喜以語夫人夫人遂言禱予病事詎間日而勺水不復入又二日而絕戚里僕婢慟哭失聲者累月子何以自克也夫人端重而機敏年十三陳孺人在尊卽能治中饋稽匠作辨租人之贏縮凡物材物值之良楛貴賤

億輒中又紡績針黹之授值輒過人以故子祿歲失館而糧不絕以翰林三視學而祿不耗臺不積在蜀時別子下三峽呼闈者授燭一器曰燭罄主且代比受代而燭餘二條他處分多類此於奉已甚嗇而見有難必急於文義止粗習而人以吉凶禮來問皆倚辦性下直事過輒自悔爲子婦四十三年今引緇矣陸學士璞堂來送曰憶辛巳冬伯焜過吾子子爲吾請夫人綻布袍因語子弟曰子尙有一裘曰此吾嫂嫁衣所改爲當夫人在時子兄弟以謂固然而忘之今言之而有餘痛焉子其忍過乎物哉夫人以雍正七年十月二十三日生卒

白華後稿

卷二十六

二

於乾隆五十八年正月初四日年六十有五是年十月初四葬妻之白漾灘而治子生壙子敬樞孫樹榮女子壻二候選郎中蕪湖穆雋上海附貢生喬淦以夫人之志行僉謂中銘法子謂不銘可不志不可乃文其窆石而布之版

例贈文林郎歲貢生蘆溪朱君墓碣

君氏朱諱振新字明輝系出徽州之紫陽再遷富順明萬歷丙戌進士苑馬寺卿菖有政行門人文翔鳳太青志其墓者君五世祖也菖生萬祚萬祚生元極元極生珂珂字子範是爲君曾祖祖父前母盧後母黃黃爲子

範公繼配生君六兄一弟旣析居葫蘆沖乃自號蘆溪以興文縣廩膳生例貢太學習禹筭邑中大工役多首爲之倡官私稱便姻黨有誣詬者輒來質成是非得失決機洞中而平居粥粥若無所能見義必爲所周恤無算而奉己甚約家亦無餘財當子範公之疾革也命諸孫占興文籍以試故君子長僱次佶皆試興文興文人詰之子稽覈而反之佶旣以丁酉拔貢旋舉鄉僱以庚戌成進士佶弟侃己酉亦拔貢侃弟侑弟婉先後籍廩生五子者皆君配黃孺人出也僱需次伊邇去年秋忽急裝寧其親今年辛亥春佶自山西以君訃及狀至

白華後稿

卷二十六

三

曰先子以今二月日祠邑之賈家壩祖塋卒於乾隆五十五年十二月日其生以雍正七年十二月日佶權縣事者四輒奉書戒以毋騫利毋炫名毋見才使氣置民事不問而用其不必用之心鮮有不敗者他志行多類此幸閱而見之於文子後君生僅五日歐血後不敢應文字之請第以僱若佶之足以致館閣而親民之吏吾學所易以見端則姑以館閣俟諸子而所以教於家施於鄉者握若佶敬志之而出治焉是亦君用世之學與其志也君二女適某某孫一以例并書之碣

君諱葆光字虹若一字心泉曾祖諱國啓歲貢生祖諱宏祖候選訓導贈中憲大夫內閣侍讀父諱慎旃太學生母薛氏君之祖嘗自休寧僑常熟置田宅而君應杭州商籍試補錢塘縣學生員歸籍常熟入成均充四庫館謄錄注選鹽庫大使往來京師非其志也病瘵者七月矣猶自以無死理曰葆光幼而孤吾母養且教吾世父翼之以有今男女子以失母鞠於吾母天豈其酷吾母之甚也葆光業舉子文念同祖兄蔚光熊光皆得第爲朝參官同會祖弟錫齡雖早世然魁殿試榜尙有以他科雋者門祚差盛豈其以是竟也子固強使言泣然曰

白華後稿

卷二十六

四

願吾母毋以葆光故過戚願吾兄寵光謹身節用毋俾吾母憂葆光有妹三一歿一廢願張氏妹以爲念葆光有湖田百餘畝錢六百緡願同祖兄道光爲料理資俯仰有遺云三笥爲男女子婚嫁用毋論財男女子以屬兄熊光嫂金遺居若得售千餘金以其二遺兄寵光母憾予與侍疾者秉筆作書猶自署葆光口授字也息將盡曰妹壻張燮爲葆光給館吏四十緡而忘之予撫而哭曰脫不幸吾以賻子矣復舉手曰幸銘我遂歿乾隆五十二年九月二十五日也年三十八歲觀歸權厝于邑之三舉原孤嶧基六歲耳嗚呼君之祖母查爲子室

總服之姑君前母又子室族姊子於君諸弟兄抗顏自處悲君之可遇而不遇於有司乃其謹愿矜厲一介不苟故彌留而不以欺其志也嗚呼悲矣

旌表貞孝宋查氏事略

貞女查氏婁縣監生贈文林郎澤祺次女子室查夫人之妹也未笄許配奉賢縣儒童宋森森暴卒訃之家人祕之貞女時年二十以母陳孺人神色不常伺間得其實慟幾絕家之人護視甚密復自繆於簣覺而救之誓殉焉如是者三閱月始聞之於其舅姑定議迎貞女歸守志時舅姑齒漸衰家亦漸落貞女親井臼織紉烹飪

白華後稿

卷二十六

五

之事爲姬婢先問侍起居舅姑謂不啻森在側也舅歿遺貞女田百餘畝視仲叔季季幼所生母主其產仲叔耗殆盡惟貞女節齋衣食操作達曙水旱盜賊不之及四十五年冬以己力營舅姑之葬而森耐焉先是姑氏潘以哭子哭夫故喪明飲食起居貞女不離左右者十餘年備禮殯殮視所以事舅者以夫弟之子淳爲子督教之甚至貞女自幼若成人言笑不苟受孝經四子書能解大義爲女工工而特敏卽耕作之早晚得失若夙習者以是舉其職而遂其志乾隆五十三年貞女年五十二守志者三十一年矣邑之人請于所司得

肯子旌爲書其槩如此

祭沈華萃光祿文

京卿遷職雁序是循公領五品公近六旬何必鴻軒寧
煩鳴嚇堂有板輿庭有捧檄距應舉日三十稔餘握手
爲樂載弦載壺薄病乍瘳兢兢引對或攬其環或挈其
袂 帝曰休止賦歸去來賣宅買船以竣沂泗藥裏
無需巾車屢載花市魚臺此債遊債官已疾已於理則
常卮酒自勞曷云其亡時暮之春倉惶皇復矐首老親
平頭舊僕公能療疾而不自鑿嗒焉物化如有天倪公
能其文甲科用遇公能其可夏官用叙公立西臺霜簡
白華後稿

卷二十六

六

書寒公視南漕雲帆路安玉不去身塵不去手言貳飽
卿儲望已久辭郭隗臺指范蠡湖千金足豪不買佛奴
奕世單傳而必黃耆公也不然含暝何有挽鹿斯絕隱
豹孰偕令子載星蓼莪永懷曰昆旣裕曰親旣顯絲岐
璧良有憾應展追惟同舉接席聯茵公歸魂黯公歿淚
紛天道難論人生至此斗酒隻雞惟靈歆只

祭曹習菴學士文

公未弱冠詩在人口時名爛焉諸生祭酒洎奏賦初公
捉子肘昵作賦辭以應他友以割片氈以饋三韭僕御
慝焉我覩公守待 命江臯其笠孔糾公涕而謔謂我

衰首失者茅龍得者芻狗同時拜官亦幸亦偶越歲來
都破書敝帚趨直無車且談且走我旋憂去公鼓莊缶
簞羽木天我躡其後賂酒雖孱聯吟肯首館書叢叢院
文妃耦作賦 殿前鸞吟虎吼公患綺靡我漸粗醜我
使西川五年永入歸途晤公秦城北斗七日勾留灞橋
折柳我既還朝公旋奉母晨星在霄舊雨在雷驅馬過
從相看成叟情話轉親道言善誘一樹南枝絲宜斷藕
公領我行雲夢楚藪受代言旋公屢遷右得士樹人瞻
然无垢使粵俶裝板輿綏受八座起居三霄濃厚歲未
周星堂萱摧揉公返自連血淚盈甑其立不偃其咽卽
白華後稿 卷二十六 七

嘔作惡須臾苦次臯某上距母喪三旬颯颯天旣難呼
神亦罔叩致毀禮嚴遇哀占咎獨行如斯文苑何有在
穹壤間是皆不朽爲攬遺篇如飽糧糗爲眷遺徽如佩
瓊玖職領校官年闋中壽江鄉椽筆

謂王光祿禮堂待
錢少詹竹汀

碑珉琇紙錢載塗椒漿奠膈歎逝感言靈其歆不

下沙先祠焚黃祭文

昔我 高祖考元吉府君瘞鶴播遷春鴻況瘁代鍾潛

德仰彝訓之親承世守遺經嗟祿養其未逮

省欽 竊窺

東觀游長西臺辱以無狀而歸幸及有田則祭前此屢

膺 寵誥未舉焚黃今茲祇告靈筵載申戀赤粵 馳

贈資政大夫內閣學士兼禮部侍郎稽察中書科文淵閣直閣事本生曾祖考嘉會府君在省蘭履任之時遵恩詔貤封之請茲屬三湘奉使是用一體舉行雖祠堂與邱壟稍殊而魂氣較魄藏尤近嗚呼戴生成於君父榮甚哀纏通昭假於幽明涕隨喜極

查夫人焚黃祭文

嗚呼夫人之逝斯今八年在我心目永夕晷罔絜惟克相豈惟相憐孝於姑嫜顧我弟妹視我姪男所生奚啻手理裁縫手親爨饋於己繼膏於物惠慈躋六十三烹飪始辭閱歲我病僉謂弗治湯藥餌食夫人必親願減

白華後稿

卷二十六

八

已算禱于玉真痼疾遂甦香幣祇薦曰了髻山神居攸奠成禮言旋膏肓纏患惟胃天倉病自疇昔重腿龍鍾以几代簣沈繇十旬至于此極如麻壺政我贖我聾我僕我御有惡孰攻由菀致枯銜憾莫窮壹者歸田衣食資給緬出峽船鮫宮呼噏仰戴 恩施俛懷井汲生封三品歿贈有加服茲荆布貌是笄珈焚黃登壟如招楚些祇告

擬關帝加封告祭文

戊子舊作

明威有赫合九土以欽承誠感匪遐閱千秋而崇報載揚嘉號用展精禋惟 關帝忠本性生氣由義配威行

華夏英風則青史長留志在春秋禮祀則素王同秩昭
茲靈貺翊我昌朝 特加神武之稱更備優崇之典澤
延以世章服分膺榮及所生珪封累晉朕式循前軌夙
仰遺徽旣改謚以協公評復諱名而申庸敬至如神功
默運義烈丕垂雲車風馬之間聲容儼在甘醴柔牲之
會綬祐孔長宜備隆稱庶彰祇奉謹加封爲 忠義神
武靈祐關聖大帝爰舉彝章並昭虔告於戲瞻新題于
神座肝鬢如通陳嘉祝於祠筵鴻庥永藉尚期來格顧
此居歆

增上海喬淦玉繩覆校

白華後稿

卷二十六

玖

白華後稿卷之二十七

南滙吳省欽冲之簪

敬樞星宰
敬沐起元 校字

古今體詩

昭陽單闕

少林同年載書圖

幾樹桃花幾粒松書牀連屋號書情小奚纔卸囊詩錦
歷到牙籤腕易鬆

第三廳畔燭雙難江左清華祖德傳縱使漢南行作吏

半裝縹素半丹鉛

一領青衫屢借才者邊載去那邊回版輿曠首拖娑永

白華後稿

卷二十七

待課童孫徧讀來

平生雅媿七車張數卷隨身歷祿忙羨爾一編長挂眼

要同巽社鬪珠光

正月除日餘庵少林東東枉集虛舟得池字韻

旬休乘晦序夕詠數上靈池團坐耽情款清言耐渴飢

燈輝高替月舟影靜含漪守歲兼辭歲前塵彼一時

二月十四日雪

春雨夾春雪雪簷雨倍驕聽來喧作陣飄去漲添潮到
地花相失因風絮欲招南園多士女撲蝶誤明朝

研齋觀察峴首曉行圖次韻

紅衣騎馬避江程影趁桃林一抹輕風候溼于烟未掃
曙光涼似月初生羊公雖去蒼碑翳山簡能游綠棧盈
何似荆南老觀察好山迎送玉鞭行

寄題天門文學泉次王元之韻

在山清擬入山深翠落高鴻響遠音莫遣茶檣壞遺像
一泓長見隱君心

四月五日同王青聯周懷昉送春劉氏園亭

蠶屐徑乘春盡日如登山送故人歸鳴鳩乳燕紛相喜
白筍朱櫻賞不違宰地簾垂清晝迴對江樓染綠痕肥
從游二客能談往回首燒燈景物非

白華後稿

卷二十七

題黃鶴山亭圖送芍陂方伯之晉

二

茗茗黃鶴山有亭翼山半二水激迴磯烟篠冒蒼蘅清
陰映柏臺官暇劇談讌憲臣本儒臣金闈冠羣彥一從
擁節行萬闡惠風扇澤靖萑蒲驚門達旆嘉使風霜回
太和道然快陵緬道齊著郊圻富庶倚屏翰一曲游彼
汾山鎮霍山奠其穀黍稷宜上賦免漕轉加以渴鹵區
鹽池勝熬煎載歌蟋蟀詩唐俗表勤儉吾知開濟策足
使部民忭一迓一板轅傾城悵芳餞髯丞雅好事點染
素礬絹有檐有闥窻有岨有瀟澗鶴去手可招亭存跡
斯戀難老泉獨斟長生蘋試薦回睇赤闌湖柳色渺沙

岸因風卜政成晉楚雜謠諺

徐敏庵荀龍刺史夢入山與三開士談禪覺後

惟憶引佛經過去心不可得現在心不可得

未來心不可得三語爲圖與詩卽次元韻

至人觀虛空無夢更無想到夢斯到在在落塵網塵
中三導師住立藉芳莽略談有漏因鋒機競雄長
青松期浩浩白雲賞孰埽現在因間者失若爽陶公結
慧遠白傅得晦朗愛山復愛僧此性豈由強我欲擊其
蒙禪理隔一掌不爲擎拳喝不事袒膜獎無夢無覺間
一切謝忻快嗒然師坐忘大圓光十丈

白華後稿

卷二十七

三

次韻題王蓬心江樓餞別圖送吉人觀察之鎮

簞圖爲戊戌送吉人入觀作

林林袂影點斜曛把盞留詩誼並殷兩度朝天經七

載一湖界地隔重雲燒畬久識蠻烟靖立柱謂馬氏溪州銅柱

空占霸氣分我是武溪舊行役登高薄送此同醺

愛寫溪山不寫真分明王宰筆通神披來舊蹟憑新雨

遷到監司作遠人話聚茶瓜千里月政流蘭芷一江春

他時若訪題襟侶指點巢松老蹙鱗

次韻荅約軒宮贊見懷

蒼頭贊善今作蒼頭贊善來白句出身同夜雨高樓極望中賦別

暗驚春草碧謝 恩遙記苑花紅貞元朝士飛沈異兜
率仙人笑涕空願趁羊求三益友一鞭歸路躡霜虹

附

丁丑江南 召試官中書者七人二匏勇庭

皆化去惟子與述庵副憲筠心白華學士習
庵中允在耳述庵又陳泉江右白華視學入
楚秋燈獨坐以東坡歲寒猶喜五人同句發
端賦寄并邀筠心習庵同作 韋謙恒

歲寒猶喜五人同宦轍無端離別中覽鏡自慙雙鬢
白倚樓惟對一燈紅星河耿耿秋生袂江漢茫茫水
拍空何日尊前懷抱盡劇談相與吐長虹

白華後稿

卷二十七

四

桂林陳孺人節行詩 爲興山令蕭某之外姑

父領方州夫作宰未三旬號未亡人艱難萬里經扶輿
宛轉孤闈效請紉立子立孫宗竟普得封得表典常新
東牀求句情嗚咽八桂林邊此竹筠

祝澂齋水流雲在圖照

巖暉無定姿楷篠蔚晨靚幸生雲水鄉頗識雲水性雲
歸披作衣水止照爲鏡中有習靜人與道日涵泳掀髯
復抱膝身世兩無競觀化妙流行隨境足交證既往與
未來何事起將迎風塵甘息機荏苒及知命油然趣適
同逝者悟難竟遙裔愴忘言秋衫碧初映

雲中山水圖爲研齋觀察作

研齋於庚子秋七月出應城一雨初霽新碧
在天忽雲間山翠如沐蓮塘柳渚滄波滄流
帆檣上下不絕人物皆隱隱可數僕御仰視
移時始減旣自記其事復爲圖索題

老天開眼眼何在耶七修語頗傳誣樓臺宮闕幻占象
此理試問天官書山川出雲本常事雲豈解作山川摹
乾闥婆城湧塵世每藉日氣通陽壺楚天嬋嬋降神女
變化寧復知其餘龍邱觀察唯且否曰空非空虛非虛
三十六天統于一惟玉霄府垂天樞記從郊郢入雲夢

白華後稿

卷二十七

五

崇朝雨霽秋方腴寒帷四望渺澄廓玳瑁碎點青珊瑚
如螺如黛亘一抹依約員嶠連方壺十洲左右富魚計
鴨闖蟹舍菱可租仙家日月信清灑始覺風俗如三吳
滄波云云繖輕縠忽看百尺懸帆蒲小如一刀大萬斛
洄游湖紛殊塗孰穿桃源孰麻谷丹綠晃漾金浮屠
千人咄怪萬人噴華嚴世界移晨晡我聞登萊窟龍蜃
陰晴合散成市墟我鄉松江鬱春霧樹木屋舍江心鋪
歐公夜泊江漢岸井廈賢易交喧呼平明跡之了無跡
小說訝許參虞初蒲騷亦在漢東境驄馬一到鳴鞭箠
半空空色示現滅曇曇雖放纜須臾異聞祕聽足千古

謂予不信觀斯圖卷圖默坐意恹悅眼福眼慧憐真吾
采菊東籬下得東字

粟里人如菊先秋種幾叢根隨籬下寄花向徑邊籠未
落餐須待當開采試同從衡循露枳爛漫趁畦菘拂帽
簪應滿量衣禩最工香凝風候北精逐日華東蓮社前
游杳桑邨返照融南山長到眼把酒頌延洪

宿樂城竹軒中丞自京入滇於名紙錄示近作

樂城城北夜燈懸歸鎮歸 朝袂忽聯敢信楚良收杞
梓喜聞驟樂入歌弦數盃細細循雙鬢一面匆匆隔五
年館吏不知談藝雅笑儂禿管寫紅箋

白華後稿

卷二十七

六

時帆少司成溪橋詩思卷

鳳城車馬喧侵夜枝天祿悠然靜者心俯仰憩詩屋非
無臨眺娛爲有幽閒躅細柳亦以青芳草亦以綠雜花
滿疏畦粲粲養春日樂水本夙懷一昨凍溪淥東風駘
蕩來解使響琴筑空明色相間妙緒手紛觸一唱復一
吟浮塵淨如沐側聞辟雍流涼鷺任飛宿橋門集羣彥
經訓祖賈服葦序緬迢迢華文信郁郁何似啓子時清
音勝絲竹

餘庵自鎮簞入都以馬見贈

十二天街十二閑玉珂如雨點朝班飽卿雅媿無肥馬

驂个疲羸日往還

手排五馬復青驄小蹶霜蹏氣尙雄道是一鞭歸闕好
五花雲散五溪中

鳴騶雙引路紆徐一種光華揣弗如今日破除三品料
譬教官在未遷初

明知策騎似乘船服皂般勤拂繡韉拜得高情防轉贈
眉山李馬橐蕭然

用李方叔下第坡公贈玉
鼻駢事是日禮闈榜發

塔上海喬塗玉繩覆校

白華後稿

卷二十七

七

白華後稿卷之二十八

南匯吳省欽冲之篋

敬樞星室
男敬沐起元 校字

古今體詩二

闕逢執徐

卓峯侍御視學廣東於署左淤池中出所謂九
曜石者池卽南漢仙湖與藥洲通而一石不
知何時落藩署卓峯自爲之記又爲蓉陰沈

石圖題二十六韻

山崱謂之峯義等孔之卓我友狷者流懷抱蘊雙瑀海
南典禮區攬纒往提學欲尋九曜山何處露茫角夙聞

白華後稿

卷二十八

一

煉藥洲分司駐行帳官署無改遷湖心點斑駁石安湖
益靈湖縮石還確旋受芟蔓繁繼被塵沙撲萬竅雖玲
瓏一往鋼昏濁匹如雙蛾眉無故累謠詠主人循覽來
暇與藕夫較導以畚鍤兼伙以剔爬數神瀆涌淫淋瘳
骨挺蕭荀又如蓬垢容一昔效湔濯森然八丈夫獻媚
不自覺定揆英德奇豈類泗濱斲若從太湖購相距更
寥邈霸圖各一方那得通關權卽令來自吳裁足抵艮
岳花田夢萋迷鸞道勢礪确何如茲石遭此後免蹇剝
安得韓幹馬緩向大藩擢換歸配九華壺中笑聲曝名
九竇纔八母乃句徒琢留餘鈔遺憾刮垢富真美好配

紅豆翁記事筆同捉

天牧先生有九曜齋筆記

七夕磬士少宗伯席上飲槎盃同習庵涵齋作

盃爲至正乙酉朱華玉造藏碧巢汪氏櫝記

甚詳攷高江邨購孫退谷所藏者亦乙酉造

而篆銘小異高引宋荔裳施愚山詩宋云背

鏤至正壬寅字施云猶存至正壬寅字是誤

以二槎爲一也江都馬氏小璽瓏山館所藏

見樊榭詩詩云手持支機石一片與是槎亦

合蓋碧山之槎之聞於世者及是而四焉居

易錄辨堯時貫月槎非張騫事似不足辨耳

白華後稿

卷二十八

二

盃不盃槎不槎槎杯兩字勒盃底中央四角文纏蝸維

朱華玉造茲器張銅黃錫名皆汗烏瓜一翁露頂科髻

斜隨身雙膝雙臂叉手持片石問何用乃向織女機邊

差訓擇枯椿喙然腹空洞忽學車乘翹杈枒翁生不在武

皇代至正乙酉融銀華乞漿得酒應謠諺生世只合浮

春霞同年一生望最顯入北海座揚芬葩禾中朱竹李

秋賦長句江邨急購羣相誇壬寅後生又其一南施北

宋詞尤奢苑西居易著錄在考論惜未窮羅爬馬家山

館亦藏一邀樊榭鑿搽軒媧以公買盃先買櫝梧桐鄉

裏流傳賒始知碧山披入畫三昧要避吳仲盛子成一

家偶然游戲涉嵇銀底事刻舟求劍如麻茶卽如朱云
傳世有雙鱗斯今鼎立寧非耶當時聲價壓唐

平江謝唐後

卿重踰一流來漢嘉臯橋吳市訪未得訪到菜廠

醒土所居

欣搏沙深宵坐苦洗車雨母爲兒咬爲鯨呀飽卿笑擬
覓官醞遲中秋月盃同挈

七月八日劍亭涵齋招同梁鐵幢景穀江莊羹

堂周駕堂集嘉樹書屋

處暑暑不收狂潦昨盈尺衝泥簸兩輪何苦爲酒食生
平藜莧腸頗類瞿曇跡素心難重違二主羅五客列郡
吳會稽其一豫章籍團團集簪裾款款來巷陌每月舉

白華後稿

卷二十八

三

一會毋會舉一席勿侈八簋陳卻準幾金直餽酸槩屏
除芳鮮特采擇有如賦禁體字字貴創獲同調七八賢
往往間離卽而我承乏來然諾免苛責人生哀樂多隨
事感今昔眼窺嘉樹園身仇靈椿宅賴此真牽緣消散
接巾烏口同河漢懸泪豈蟾蜍滴祇愁詩屢催能事受
敦迫叩天天若膺當頭片雲黑

重陽後一日梁副憲冲泉澹足齋看菊

九日迅已馳三徑荒久掩吾心與菊盟終被世塵染數
上錢買擔頭如食腹不嫌臺長家餘杭六井水波澹每
逢文酒場將菊配茶點爛然黃金英滿甌隨所飴朝來

折柬邀謂有隱君儼林立堂四隅裡種鬪姿臉半移野
老籬半出寺僧居紫翠紛陸離白雲守寒儉百益復百
餅影向帽簷颯以彼淡泊期亦落繁華漸啞然指扁題
元理妙防檢自慙瓦礫材座首濫叨黍羣公雖盛年時
念歲荏苒思得縮地方口吸菊潭唵人生貴行樂且醉
酒痕灑重陽展始今逸興幸毋旼

九月十八日懷柔山上夕眺和韻

登山至竟勝登臺勸眼平摩夕照開野市亂隨青嶂去
寒漸遙擁白河來試圖三輔神京壯及展重陽

法駕迴短鬢蕭騷看健在黃花峪口倒千盃

白華後稿

卷二十八

四

爲研懷舍人題令祖垂善文梅花集句卷

吾鄉多竹更多梅繞屋清寒百十栽欲剝江爲香影句
雪花連掌打冰苔

美人高士語如林妙選前賢契素心留伴滬城張曼倩

上海諸生有梅花集句數百首朝朝滌筆點孤襟

平橋斷水木棉田曾訪遺居隔廿年楮散兼零摻尺卷
有孫抱研促塗鉛

桂堂戶部購其從祖一印翁畫山水

時桂堂家人將至

隱居何所期期此數重屋屋中誰主賓危坐聳于鶴呼
童進茗甌倚檻恣遙矚佳山層復層在渚曲還曲風揚

映水苔一往鬪濃綠蔽以萬篔簹併力掃塵毒只愁雲
翳封無處訪幽躅迢迢黃浦南奕世太邱篤門餘江左
清派豈雲間俗一邱成畫癡白與大癡酷偶然破天棊
信手景斯觸故應起退心終且招近局借問千里蓴羹
似一囊粟吾言癡點間大隱計頗足浮家歷克濟救宅
到童僕好付龍樹裝幸比蛾眉贖我晚不識翁權且臥
游續如上閱耕堂西疇事交勗

題陳文莊闢耕軒詩後

瑤溪溪水曲通潮曉度溪漁晚度樵獨有闢耕軒半畝
籠烟籠樹鎮南橋

白華後稿

卷二十八

五

太學生徒業未荒章縫不省媚貂璫無端徧訴田園景
劫盡毗嵐見硬黃

前朝文獻跡飄零直道如公足典型苗豆木棉栽數頃
天留一鶴重華亭

手澤蒼涼錦暉沈積年四百鼎同欽慙卿慙長休騰笑
值得詩家一浩吟

爲沈

維坤

比部題令祖健庵司諭遺照

里董

幽人守一經諸經義聯貫投老甘卑棲岬然功在泮地
探巖壑靈門聚生徒粲哉嶷嶷枝官碑借作漢儒看性氣
固方嚴神明亦悠渙蕭條環堵居暇與新水玩菡萏英

蚤敷藻落點交散翠竹青梧桐差足見標幹自歸道家
山旬甲幾更換有孫徑抱遺猶及奉緇幔詠德思載膺
覽輝感三歎是邦信清遠伊人望渺漫縱教金滿籬詎
抵研留案擁研戀南榮爐薰書方半

儲生

嘉珩

家隨之安居鎮澐水經焉丁酉三月

生應拔貢試燕羣至其所爲雙桂堂者垣壁
楣棟皆滿十餘日始散生被舉其尊人改題
曰千燕堂子嘗錄生第一生投詩二百韻頃
至京言其事因成十六韻

白華後稿

卷二十八

六

門巷烏衣改功名紫領賒材良宜用楚梁轉恰臨澐
程禾光偃招搖桂影斜在丁逢拔萃有子起銜華送喜
難徵誰醜恩或效蛇玉筐投嬾婉綵翦掠迴遮引類呢
喃應爭窠剝啄加盈千交土壘第一放水衙誰帶芹泥
潤還沾杏雨佳風簾高撤幕水鑑寵拖綱候氣靈如此
名堂信是耶縱然磨妙選默爾動長嗟五鳳修難待三
鱣兆孰誇鞭鞘勤策蹇縑紙索塗鴉文擁昌黎集詩留
太祝家漢東隨國大掌故耀紛葩

德輶如毛得倫字

維德艱毛舉微芒孰比倫鉅應彌六幕瑱侍析千塵傳
質推元始披精返大醇緒閏涵縷縷與義隱鱗鱗縱使

光占吉難期澤被純儀鴻達縹緲補袞職嶙峋臺末原
無障雲霄定有真王雍輝振鷺 講座重敷陳

題姜巢雲松鶴寄壽種石兄

我願身爲鶴巢君庭際松竹垞天風威謾謾老鬣蟠如

龍我願腹生松招君亭上鶴江影浩云云縞衣寥如削
具此壽者相蒼健無與儔娟娟花露面月月紅扶頭一
從海邑居故山別黃嶽四百幾甲子太古歲縣邈有陰
旣以和有秩旣以封雖無盈樽酒二物君當供當來何
不來 玉除宴千寥言每烏目山采芝大盈斗

輿化趙九鼎寄杖圖

白華後稿

卷二十八

七

迢迢負米逐西東朝暮門閭倚望同莫訝一枝筇竹瘳
扶來也好替兒童

此杖尊藏學士家皮蒼骨健鬪龍蛇平頭閃出斑鳩影
閩徧桑梅幾歲華

倩誰乞取倩誰攜遠道頻煩信使齋賺得發緘人笑口
光瑩全勝舊扶藜

裁縫鍼線寄年年寸草心情只自憐正值 盛朝排宴
廣壽藤遊賞數三千

題六根清淨圖送澹園歸西湖

京師萬人海君至燈信闌自言媿無狀鐫級當歸山大

府素傾愛謂才守可觀殷勤資俶裝勸令瞻

天顏東市置襪被西市買馬鞍南市製褶袴北市具壺
簞四千八百里程日來長安仲春月初吉曉漏趨未殘
聖人宿齋殿待覲忘朝餐憶昔司大儀排日趨金鑿雖
非侍從榮忝列京朝官同官旣推轂同年還攬環譬如
親兄弟文酒餘古歡微名標御屏奴僕光爛爛列戟
臨鳴茲豈意行路難有囚脫笈免章奏蒙飛彈不月遽
邏獲已墮鮎魚竿厥後歲辛卯祝嘏開經壇聊致芹
曝忱交彈王禹冠蓬婆及滴博火檄催平番行軍一司
馬轉粟青雲端一躋守梓州萬死歸桃關東帶祠慰忠
白華後稿

卷二十八

八

過者皆辛酸時余視蜀學陳義著伐檀值君囁果州泥
飲金泉間搏像塗青紅覓句鏐琅玕最後復按梓一磴
琴泉攀能使粗陋姿化作靈秀寰所憐癘疥疾徧體周
鼎斑班班左綿道送我還朝班踰年喜勿藥觸暑凌飛
翰至尊鑒微勞訓辭惇且寬我亦旋使楚鄂渚風

烟漫期君此入峽黃鶴真翻翮別來五改歲飛沈如轉
丸惡木亦有陰西子亦有癩聞君建鼓角見君褫帶擊
六橋間三竺到處容癡頑白鷗一烟波金馬雙門鏤向
非聖主慈空夢西湖灣序君詩可行題君圖可看

浮生困六鑿畢世嗟莫殫一賊白玉盃一賊黃金鏤一

賊花面勾一賊珠喉爛復有兩賊徒毒手紛交攢是賊
不可殺要復不使干具此羅漢相嘻笑升蒲團放開大
肚皮生滅隨漚湍送君拓一盃婚嫁今苟完待我湖上
游並醉金波寒

深巷明朝賣杏花得天字

畫檐殘溜惱無眠
荳蔻春姿半化烟
種杏記逢沙畔路
折花想趁雨餘天
雲容碎浸銀華冷
風信勻調粉態妍
落翦笑堆筐麗
斲分擔看逐巷獬豸
韶光未老老宜圖筆
韻事雖多豈費錢
繞夢蛩知蒼蘚潤
衝泥燕惜綠蕪蒿
開餅亂插思晴昊
對鏡忙簪感少年
好問收童邨店酒
白華後稿

卷二十八

玖

攬衣起蚤一搖鞭

壻上海喬塗玉繩覆校

深巷明朝賣杏花得天字

白華後稿卷之二十玖

南滙吳省欽沖之篋

敬樞星宰 校字
敬沐起元

古今體詩三

旃蒙大荒落

三月廿日廿一日

賜內直諸臣文房清具

臣省欽

得文竹都盛盤一香盤

三眼鏡一恭紀

九天黃帕下三天排日傳呼拜

賜駢卻費數番斟

酌手 龍樓鬪判畫簾前

黃竹平磨綴綴光濮謙妙製見何嘗果然四角中央好

白華後稿 卷二十玖

不羨都籃面面裝

銅胎煎漆凝如膏 八鎔成彩未韜珍重三盤迴

躡賞

時

盤山迴

上自

駕夜來留貯餅香高

何限麻茶病待攻 一巨鑿鑿洞當空似聞玉陛

重瞳語莫遣觀書墮霧中

題葛山先生觀海圖

學山期至山學海期至海海於天地間於廓百川滙甌

閩枕負雄靈與閔真宰梁村九九峯端明泝文禾家風

習耕養士乃雜農乃我公濟美宏志學忘劬餒目笑九

儒非骨挾九仙在

挑燈坐蕭寺，吟噓雞初鳴。豈不戀宵讀，海日升東瀛。海
以翁其量，日以牖其明。直波連大波，血色交飛騰。乾坤
入吞吐，豈止潛山精。有扇不敢麾，有琴不敢橫。獨立遠
人世，耳目屏紛營。持謝道流語，鶯鶴騎長鯨。

讀書在弱冠，作圖垂五旬。圖成乞去我篇，復閱三十春。

眷懷釣游侶，無限桑田塵。幸逢聖明世，致身將乞

身。若海潤千里，迴澗涵碧粼。望洋固生歎，所貴沿其津。

宰相系唐表，道學師宋臣。

堯石侍郎爲慕堂學士圖中峯五松偕扈盤山

時作

白華後稿

卷二十

三

五松如五老，隱節傲田疇。水石陪三絕，風雲護一游。支
筇避神鬼，卷練走龍虬。借問中盤路，京塵隔幾郵。

潤物細無聲，得無字。

太平符十雨，欷枕響模飭。祇辨聲沈漏，從教氣潤酥。濛
濛漸麥穎，淦淦裏花鬚。南陌雙犁趁，西窻一檠俱。流膏
看擬滑，破塊聽嫌粗。高屐衝泥未，枯琴透漬無。神功含
寂歷，物理信昭蘇。莫遣檐鳴溜，求衣聖念乎

葛山先生澄懷園二十友圖

五雲在霄漢，舒卷多自如。朝登閭風顛，夕宿華林居。沿
城映花竹，兼有禽與魚。有沼復有亭，對宇八九區。雖然

號公所不異私室廬前修眷退躅國器皆瑤琬

宅心幾大醇我公典家學通籍五十年傑直事場推協
恭夙所敦道氣益堪貌俛仰懷同門河山半縣邈惟餘
晨夕人琴樽舉數數巋然猶殿尊爵齒德俱卓

三千領耆筵醺拜

聖人手三千領王靡講聽

聖人口阿閣趨歸昌凡鳥復何有幸承調變心風俗契
誰某難爲遊門言信及樂山壽正襟攬儀容一心特朝
斗

爐烟添柳重得添字

苑柳非烟合爐薰吐隔簾一痕扶不起萬縷困還添影

白華後稿

卷二十玖

三

帶因風颭絲輕和霧黏拈來濃朵朵籠去弱纖纖怯舞
人爭瘳貪眠客暫淹悠揚看有託郁烈定無嫌淑氣洪
鈞大韶芳衆妙兼 湛恩垂雨露朝罷醉雙柑

千章夏木清得潭字

木道榮初夏名園緩步探濃陰蒸靄靄清照播潭潭密
點蒼迷徑平拍綠漲嵐未風炎自掃不雨潤常含長養
年論百盤桓伏到三斷無人影出間去許鳥聲參情展
將軍座間停野老擔 上林嘉蔭滿還比玉壺涵

解帶量松長舊圍得圍字

王丞閉戶龍鱗老陶令歸田鶴語稀種手舊煩摩帶孔

吟身今與抱松園不徒布指參羸縮更把纏罽審瘠肥
離立影圍青鳳織敲眠痕蔽碧蘿幃付量現果思前度
榆枝成規悟化機三市願留居士佩一條穩稱大夫衣
祥桑驟拱微難信厄樹潛消計太非爲求躬修承

長養後彫才地苔春暉

雨敲松子落琴牀得敲字

宋弦黯淡牀初倚蒼粒離披雨漸交作勢驟兼山果落
尋聲錯訝院某敲連番側聽鏗相和隔陣微聞悄忽捎
乍整故斜窻趁打將飄又住徑紛殺彈來非曲猿懷嶺
點去難工鶴凍巢童子戲隨烟袂拾幽人笑檢露囊包

白華後稿

卷二十玖

四

蕉心伴流暄還寂桐孔借傾淨不滑試枕寒濤眠獨軫
采花餌實老誅茅

畫蘭

畫葉要當風畫花欲垂露迥然見國香清酒足佳趣忽
悟了頭皴補入六書故

梅竹畫扇

撇非撇圈非圈圈就恠蓬鬆撇成諾菌蠢蛟脊骨立鸞
尾摧役使元氣風日雷一節欲捎百千尺一枝如繞三
十栽吾鄉梅竹擁籬舍春筍冰花土同價李昭扇絳爲
招來肯遣庾塵蔽蔽空下侑華酌調素琴落手笑捧雙瓊

琳挺生早挾雲霄勢放點長留天地心

題扇頭貼絨梅竹

翠袖春寒薄招要綠萼華一枝交一翦搖影碧窗紗

端陽小景

昌陽能引年靈艾能療病桑甚如棗長可革飛鴉性文
杏與荆桃不過備時令須知調燮心觀物靜如鏡南風
吹滿林行處寄陶詠掃盡落墨痕萬象入妍靚天中節
旣佳中天境尤勝悠然參妙明補寫綠荷柄

到門不敢題凡鳥得凡字

門前長者車容到屋裏幽人格出凡投刺漫教驚剝啄

白華後稿

卷二十 五

五

抽毫聊與任封緘冥鴻羅網蹤先避斥鷃搶榆誇莫儼
一徑窺園通竹館十年閉戶傍松巖棲遲豈羨飛鳴遠
游息何勞倚望咸末友嚶喬徒繾綣留賓雞黍少詎諠
非熊把釣家聲著衰鳳成歌世法芟爲謝推敲題句好
不將鶴詔換鴉鏡

城外青山如屋裏得山字

爲道山邊容結屋豈知屋裏竟藏山數峯青峭城空繞
四壁蕭寥駕未還蕭蕭入簾平拱笏盈盈當牖皎拖鬢
琴書澗帶烟霞重杖履清陪水石閒真境祇疑在呼吸
俗緣那信付躋扳鄰園鶴放雲留棟僧院猿投月照關

車馬懶通朝市跡松篁雅識隱居顏
輞川詩畫傳雙絕
一檜誰摹挂此間

鐵馬和韻

寸馬排檐語蕭蕭響不禁盪摩風
自力輾轉石何心勁
掖鳴秋氣忙催破陣音和平還可聽
攬耳感華簪

鎖心瓜

夏課心焚甚涼堂臥抱瓜
團團看落手清脆遲磨牙
喚賣魁園菹酣浮及井華
半環肥待剖一面安當窠
脾沁全消熱神凝倍滌邪
不勞漿挹柘爲洗緒紛
麻記事珠含彩生津玉掩瑕
丹田留鎖後書帶繞君家

白華後稿

卷二十次

六

深樹馬迎嘶得嘶字

古道深深樹長塗得得蹏
碧痕涼潑水練影倦衝泥爲
憶摩奇癢旋聞發遠嘶
蕭蕭吟續斷恰語高低勢似
呼羣奮情兼戀主使負才非
跡地辨響是沙澌健犢行
相驟哀蟬韻共迷投林便
齟草聲價待重題

送葛山中堂歸漳浦恭依

御製詩韻

賢良三對起元年遇

主身名闔九遷學游師儒謂

勤隆一加班踰保傅領三天守身蚤信完圭璧投老寧

關戀石泉吹徧春風東閣暝花邊聽講起陶然

幾度來朝幾度歸雍容蒲藻慶魚依調梅雖晚功先就
嗽荔將闌暑幸微擁傳還鄉行較利克期躋 壽遇

尤稀 命以八旬慶典來京 西山理學傳家舊宰輔同編史筆非

涇厓學士夢溪讀書圖

歐公謫夷陵偶謁黃陵廟峽山極奇危屐齒記曾到迎
人一石馬缺耳狀尤肖始悟宜嶽靈萬事能逆料夢溪
隸曲阿水木湛壺嶠遠峯三四重顧影弄青峭沈郎茲
謫居亦似赴前約遣日成筆談祕文愜提要筆傳溪並
傳依託類松薦其鄉生後賢蚤歲理游釣服官垂五旬
細故得平調適思薦葦鱸遂擬守蓬藿寫真表魁梧補
白華後稿 卷二十 頌 七

景揆窈窕篋行踰周星 賜園接清獻開圖辱先示詫

未改嘖笑所由邱壑尊更被光華照方春與蒼筤杖几

拜承 詔飲噉過中人供奉領諸少乞湖期尚遙買山

隱須譙無夢無覺間脈望互盤繞試看括地書書俗邪

輕掉 學士將為丹陽縣志 一紙如借觀拍案恣狂叫

河公 鱗搖背指菊花開得搖字

岸上籬英水上橈轉頭相送背相招來借橋柚黃翻影
去逐萍蓬白趁潮有物移人情養養無言與我契寥寥
他時昌雨尋難定此處停餐采倍遙動窺亂傳聲欵乃
壓檐漫感鬢飄蕭幾枝綽約風還颭三徑蒼涼夢漸消

過眼雲烟隨纈散關心節候類旌搖孤舟叢菊哀遲甚
賓幕蓮花羨汝遭

直到花閒始見人得閒字

迎花面面花含笑翻訝幽人識面難耽隱不曾閒種手
破禪從此欲薰顏衣沾露萼遲扳折帽颭風枝礙往還
回看竹光濃似染武陵溪在綠雲間

一月得四十五日得工字

緯耒農閒務支機婦獻功日縑程匹半晷線候昏中筭
起三分益圖乘五位崇連宵絲軋杼向曙布披箭月計
來先復旬要得倍豐壁輝嚴異照巷績準同工虛牖霜
侵白深篝火逗紅爲聞文史用塾課藝兼通

白華後稿

卷二十玖

八

淪漣晚汎圖

玉泉泉跳珠涌出斛計萬潭潭費醜剔淘灘更作堰演
池渟一泓求漸不求頓於焉闕爲湖湖上夾仙觀西園
介苑西瑤流漾沙岸惟石瘞透供老木龍葱冠有時楊
柳風灑灑到書案雜以菡萏香作陣裊波面小波淪大
波羣動激洄漩了無鷺影猜惟有漁歌喚是宜曳袂來
涼氣夕霞半呼童棹短篷卽此游汗漫將行猶未行宴
坐納明倩何必絲與竹焉用拂兼扇悠悠風乎志混混
水哉軟我從易象占風水義取渙自然成至文五色陋

組線舟楫濟不通偉畧寄宏願二者可得兼餘事託豪
翰彼哉伐檀詩夫豈直一粲伊余瓠落材不繫心所羨
黍隨飛蓋游嘉命侍公讌撫澹閣十年披豁欣一旦竊
擬學堯民橫槎貫河漢

修竹成陰手自栽得陰字

幾度遙瞻幾度吟一栽一墜歲侵尋江邨歷歷虛前路
里館脩脩下薄陰竦削儘憐搖瘳影平安曾與送芳音
苔連屐甲封難辨草隔簾波掃不禁富室待償分畝計
貧家忍負過牆心移從上番纜開徑聯作新盟蚤入林
物豈無情人甚遠樹猶如此我何任天寒日暮增悵悵
白晝後稿 卷二十玖

玖

手把成虧託素琴

題繆秋坪峴山春曉圖照

一官襄水曲千古峴山碑高岸雖無改浮生總有涯簿
書程日後花柳向春時選坐盤陀石風流今在茲
班春春晚晚萬緣間干紅人影襟裾淡禽言耜耜融楚
雲姿不定越客吟 去 偏工夢逐習池醉高風耆舊同

顯微鏡

洪纖懸賦質爨黷道奇輝珠斗日中戴玉壺天際圍宵
窠方養晦張王忽通微毫末輿薪喻吾徒目笑非

